

總目

行政組織第一

開放盟旗羣臺第二

招墾第三

設治第四

軍屯第五

清丈第六

優待蒙旗第七

墾荒指南第八

畜牧指南第九

雜錄第十

# 猩政輯覽

察哈爾全區  
墾務總局編

優待蒙旗第七

敘論

蒙古昔稱匈奴爲夏后氏苗裔秦漢之際最稱強盛後漸衰弱然皆黃帝之子孫初無容有親疎之別也至有清定鼎分封錫土明示優崇而隱寓強幹弱枝之意迄今又二百餘年矣其子若孫席其餘蔭依然安富尊榮不知稼穡之艱難在專制時代羈縻藩服未始非策而揆諸天下一家之量母乃隘歟民國肇基宣布優待條例垂爲令甲於是蒙古王公傾心內向矧乃深明大義不以千里封圻爲一人私產輸將恐後開蒙墾之先聲是又烏可無以酬之耶夫公其土地而不予以利益仁者不爲也榮以虛名而不加以實惠智者不取也今於富且貴者崇以爵秩其貧而弱者復加體卹以資其匱乏非敢謂一視同仁其利孔溥第本國家優待條例推而廣之以及於蒙民俾食稅衣租仍守世業耕田鑿井得服先疇斯則督

墾者之微惜也

都統片呈 大總統本區廢除禁例按戶授田俾蒙民自食其力

每年部撥八旗蒙餉十八萬餘元即可永久停止用以減輕國家之負擔惟蒙民開始墾地需費孔殷應請令部將三四兩年欠餉暨本年餉額提前撥發應用庶幾此項計畫克底於成文

(銀局承務總辦)

堂稿

再察區兩翼八旗地面遼闊現既呈請一律放墾籌備設治中玉查核情形預計各旗荒地應可設立招墾設治局約四五處所有現在調查及將來招墾設治經費自應悉由墾款就近動支惟八旗民生計艱窘此次併案呈請廢弛禁例按戶授田開始墾地舉凡購置籽種牛馬農器無不需欵孔殷亟應酌助經費以示體恤伏查三四兩年財政部應發八旗蒙餉積欠至三十三萬餘元合以本年應發餉額十八萬餘元統共五十二萬餘元此均載在成案確爲國庫應付蒙旗應領之欵合無仰懇 大

總統俯念蒙旗生計艱窘此次開始墾地需費尤急令下財政部將歷年積欠及本年俸餉撥發到察專爲撫恤蒙旗暨補助墾費之用一二年後荒地墾成此項俸餉即可永遠停止匪特蒙民足以自食其力並可藉以減輕國家之負擔實屬一舉而兩得惟開辦之初用款實鉅所有歷年積欠暨本年應發餉額似應由部提前照額撥付庶幾此項計畫克底於成而不致半途中輟所請是否有當除咨呈國務院并分咨財政部外理合附片呈乞 大總統訓示祇遵謹呈

全區墾務總辦呈都統擬訂發放恤蒙銀章程以期實惠均霑并請核准由局通行各總管知事局長一體遵照文 六年五月七日

竊以發放蒙旗恤歟關係綦爲重要若使漫無限制誠恐易滋流弊現由本總局擬訂開放盟旗羣縣台站荒地發給恤蒙銀章程十一條俾資遵守而昭慎重如蒙核准備案擬由本總局令行所屬各墾務局招墾設治

局暨各旗羣台站長官一體遵照卽以奉令核准之日施行所有擬訂開放盟旗羣縣台站荒地發給恤蒙銀章程緣由理合繕具章一程扣備文呈請都統鑒核備案施行謹呈

察哈爾開放盟旗羣縣台站荒地發給恤蒙銀章程

第一條 察哈爾開放盟旗羣縣台站荒地每地一畝除按照舊章給予恤蒙銀四分外並遵照呈奉 大總統核准新章額外加恤上則地每畝加給恤銀六分中則地每畝加給恤銀五分下則地每畝加給恤銀四分

第二條 凡荒地由何局開放恤蒙銀卽歸何局發給惟應以地價實在收到業已填發部照者爲限

第三條 各盟旗羣縣台站報放大段生荒如遇應行移旗移羣應需各項遷移費或實在需欵周給各蒙戶時得由各該旗羣長官逕呈摺務

總局查核情形轉呈都統核准酌予墊發若干以示格外體恤

第四條 凡領恤蒙銀應由各該盟旗羣縣台站最高級長官備具正式公文向放地之鑿務局設治局照章請領其他各官員不得擅行請領用示限制而昭慎重

第五條 恤蒙銀係周恤大眾蒙民之款各盟旗羣縣台站請領恤銀時須由各該長官造具戶口清冊隨同印文赴該管鑿務局設治局請領方能照章核發如未將戶口清冊隨文送到不准發給

第六條 各盟旗羣縣台站於領到恤蒙銀發放各蒙戶時應由各該管鑿務局設治局派員實行監視用昭核實而杜流弊

第七條 發放恤蒙銀應按照戶口清冊人數核實支配均勻發放不得此多彼寡稍有不同並應取具各該蒙戶領到切結送由該管鑿務局設治局存案轉報鑿務總局備查

第八條 各墾務局設治局發給恤蒙銀應遵照部章每銀一兩折合銀幣一元五角核實發放不准有絲毫刻扣短少情弊

第九條 各墾務局設治局發給恤蒙銀應將支付數目隨時呈報墾務總局查核每屆年終仍彙總造具清冊報告備查

第十條 墾務總局每屆年終應彙齊所屬墾務局設治局發給恤蒙銀報告清冊造具總冊分報都統暨財政總長查核備案

第十一條 發放恤蒙銀應行普及不准稍有隱匿中飽倘查有隱匿中飽情弊卽由墾務總局將該經手漢蒙官員呈請都統從嚴撤懲以重恤歎而肅官方

蒙藏院擬訂墾闢蒙荒獎勵辦法七條

一 凡各蒙旗願將各該旗地畝報墾或自行招墾者及人民領墾蒙荒者得給與獎勵

按此條因範圍廣泛流弊無窮已經由局辦稿由都統領銜分咨部院請轉呈修改爲凡各蒙旗願將各該旗地畝報犁或將照章劃留領照之地自行墾種成熟者及人民領犁蒙荒者均酌予獎勵字樣其必須修改理由俱呈咨各部院文內前已抄錄原稿送請鑒閱矣

二 凡將本旗地畝報由國家放犁地在一千方以上者給予勳章五千方百以上者給予翊衛處各職銜一萬方以上者晉給爵銜

三 凡將本旗地畝呈報自行招犁犁竣五千方以上者給予勳章一萬方以上者給予翊衛處各職銜

四 凡爵位過崇無銜可加及業經給過最高級勳章者給予匾額或別項榮典

五 凡人民領犁蒙荒犁竣一百方以上者給予獎章

六 凡依第二三四等條給獎者由各該都統辦事長官咨陳蒙藏院會

同農商部呈請 大總統核給

七 凡依第五條給獎者由該都統辦事長官咨陳農商部給予之

都統咨財政內務農商部蒙藏院爲墾闢蒙荒獎勵辦法請修改轉

呈文

(銀務總局承辦堂稿)四年七月十三日

案准蒙藏院咨開前准財政部咨稱准政事堂機要局交財政部呈核議  
賑濟蒙災及報墾辦法一案奉 大總統批令所擬賑濟蒙災各節應  
准照辦至墾闢蒙荒事關實邊要計應由該部會同農商部蒙藏院妥籌  
辦法呈候核奪此批等因到部除賑濟蒙災各節應卽遵批照辦外至墾  
闢蒙荒事關實邊要務應如何妥籌辦法應會同擬定相應抄錄呈批咨  
行查照等因前來當經本院博稽成案斟酌現情會同農商財政兩部擬  
具墾闢蒙荒獎勵辦法七條恭呈 大總統鑒核茲奉批令如擬辦理  
卽由該院通行遵照單存此批等因奉此相應抄錄原呈及墾闢蒙荒獎

勵辦法七條咨請貴都統遵照辦理可也並抄件等因准此具見

費天部優

待蒙旗拓闢地利之至意自應確遵辦理以重新章惟查蒙旗地畝報墾或自行招墾者及辦法第一條內載凡各蒙旗願將各該蒙旗地畝報墾或自行招墾者及人民領墾蒙荒者得給與獎勵等語細繹條文範圍廣泛權限不清若不酌予修改洵恐反滋流弊查察哈爾墾務前清光緒十餘年間已由直隸總督設局辦理嗣貽穀被督辦墾務之命當日開放蒙荒辦法所有旗羣臺站每地一畝提給恤蒙銀兩四分升科之年並徵四釐私租至王公牧廠但於升科之年隨徵四釐私租其時各旗咸以私租永遠利益所在競舉地畝報墾故口外各縣今日升科民地悉皆當日所放蒙荒其功原未可盡沒惟貽穀及所屬職員視爲利數百弊叢生地畝則隨意屯留荒價則自由賒欠國家雖已放荒而實墾無多蒙旗雖經報地而獲利無幾故收效猶未大宏而各旗亦漸懲羹吹鑿深閉固拒不肯報放是其弊在自

損信用迨後貽穀被參拿辦放荒殘局亟待整理其時察哈爾都統以滿人爲之率皆畏事推請直隸總督辦理直督復推請宗人府理藩部辦理輾轉至再卒歸各旗設局自放惟王公等爵總管各官或不明鑿政或不達漢情放荒之權復旁落於府中管事人丁而地販土豪勾通作弊表裏爲奸私圃者有之包攬者有之盜賣者有之墾戶旣無部照官府未存冊籍強者日肆侵吞良民受其蹂躪一涉公庭則地方官以無冊無照之故亦難判斷是非切實保護卽如裕公各府所放之地類皆互控競爭無從清理又如清昌白文明魁璋清順延秀各府牧廠馬廠甚至爲其所屬盜賣已盡而府主卒不名一錢現在紛紛到局稟控何莫非盜賣侵佔案積累年訟事糾紛墾政敗壞農民裹足視爲畏途戶口何由繁殖邊地何由發榮則其弊在自失主權故處邊省而言整理蒙旗墾務亟宜一面優待王公厚恤蒙旗以全信用一面厲禁私放嚴杜盜賣以保政權實爲確當

不移辦法現在察區墾務自經內務財政農商三部呈奉 大總統批  
令改組以來節經該墾務總會辦稟承本都統首顧信用優待蒙旗是以  
商都牧羣總管舉報所管大段荒地達於萬頃而正白正紅各旗亦報放  
荒地或千餘頃或數百頃各處來局繳價認領者亦紛紛不絕果得

貴大院部

主持於上始終貫澈認真辦理何難日起有功然其所以致此者固由優  
待蒙旗之效亦實嚴禁私放之功今如獎勵辦法第一條所規定准予蒙  
旗自行招墾似爲自撤藩籬橫生枝節墾政既已破壞邊事何由整理伏  
查上年奉天達貝子達爾罕王前請放荒合同曾經鎮安上將軍兼奉天  
巡按使張呈請 大總統一併撤銷本年一月昭武上將軍熱河都統  
姜呈請禁止蒙旗私放荒地一案恭奉 大總統批令內務部蒙藏院  
轉行沿邊各都統認真辦理本年六月准財政部電開亦以蒙旗私自放  
荒有違例禁應卽妥擬專章咨部彙核以便呈明頒行各在案洵以旗羣

台站所佔地段每至於數縣之多至牧廠馬廠大者佔地亦或至一縣之廣所有戶口註冊測丈勘界給照催價管業升科等事在在與內務行政財務行政有關自未便任令私人別設機關至與國家政體財權兩有妨礙奉天蒙荒情形如此熱河蒙荒情形復如此察哈爾蒙荒亦何莫不然此猶害之小焉者近自中日條約簽字內蒙一帶東隣方在著手經營據中外報紙所載彼邦組織蒙古實業促進會蒙古墾殖團蒙古交通社各項機關業已先後成立不日來華以蒙旗之知識短簡圈地復多今既准其自行招墾設經鄰人誘之以利輕將地畝抵押放賣則交涉葛藤甯有了局此則關係領土主權國際交涉尤應先患預防極端禁止又查本年六月本都統前據該墾務總會辦酌擬開放蒙荒辦法王公牧廠則加給四成地價旗羣台站每地一畝除照舊恤給四分外復擬加恤上地每畝六分中地五分下地四分至升科之年均准帶徵四釐私租隨收隨付並

請頒明令嚴禁私放盜賣原爲厚恤蒙艱統一舉政起見曾經呈由  
大總統交下部院會議具覆在案原呈並聲明各旗隨缺地畝各台劃留  
區域均准照章劃留免繳地價填發部照以資信守等語用意所在卽欲  
獎誘蒙旗自行耕種惟私放自招流弊無窮則須嚴厲禁絕所有獎勵辦  
法第一條載凡各蒙旗願將各該旗地畝報墾或自行招墾者及人民領  
墾蒙荒者得給予獎勵字樣擬請轉呈修改爲凡各蒙旗願將各該旗地  
畝報墾或將照章劃留領照之地自行墾種成熟者及人民領墾蒙荒者  
得酌予獎勵字樣以杜流弊而絕事端至前呈交議酌擬開放蒙荒辦法  
優待王公厚恤旗羣並請嚴禁私放盜賣一案事關理財實邊設治諸大  
計應請迅賜議決呈請明令公布俾資遵守而策進行除分咨內務財政  
農商部蒙藏院外相應備文咨請

貴大院部

查核修改轉呈施行並希見覆此

咨

都統令准部院核擬開放蒙荒優待王公暨鑾闈蒙荒獎勵條文各

辦法呈奉 大總統批准文

(原呈附)四年九月二十日

准內務財政農商部蒙藏院咨開本部等遵批核議察哈爾都統呈擬開放蒙荒優待厚恤及嚴禁私放盜賣各辦法並請修改鑾闈蒙荒獎勵條文一案業於八月二十二日呈奉 大總統批令呈悉所議加給恤蒙銀兩暨劃分地價所有應給之私租另租仍照舊章徵付各旗隨缺地畝照章免價劃留各節係爲體恤蒙艱起見應均如所議照准其鑾闈蒙荒獎勵條例亦如所議分別修改以免歧異至察旗情形與內蒙有異如所屬旗羣有私放盜賣情事卽由都統呈請嚴辦可也餘均如所議辦理著由該部院轉行遵照此批等因奉此相應抄錄原呈咨行貴都統遵照辦理可也附抄原呈等因准此查此案係由前都統呈擬辦法經各部院核議修改呈准施行自應一體遵守除通行外合亟令仰該總局卽便遵照

並令各縣墾務局一體遵照切切此令

附原呈

竊准政事堂抄交留任署察哈爾都統兼墾務督辦何宗蓮呈酌擬開放蒙荒優待王公厚恤旗羣各辦法並請特頒明令嚴禁私放盜賣一案奉批令交內務財政農商三部會同蒙藏院核議具復此批等因奉此正在遵批會核間復准察哈爾都統咨開查墾闢蒙荒獎勵辦法第一條內載凡各蒙旗願將各該蒙旗地畝報墾或自行招墾者及人民願墾蒙荒者得給予獎勵等語細繹條文範圍廣泛權限不清若不酌予修改恐滋流弊擬請改爲凡蒙旗願將各該旗地畝報墾或將照章劃留領照之地自行墾種成熟者及本國人民領墾蒙荒者得酌予獎勵字樣咨請查核修改轉呈等因前來查察屬墾務自貽穀開辦以來公家放地無多而私人盜賣日熾推原其故半由信用之失半由禁令

之弛欲求整頓改良誠非賞罰兼施使蒙旗樂於報墾而憚於私放無以祛積弊而闢利源該都統呈請開放旗羣臺站每地一畝除照舊提給恤蒙銀四分外加恤各該旗羣下地每畝四分中地五分上地六分放墾王公牧廠所收地價除照章提出二成經費外其餘八成以四成歸公四成劈給王公所有應給四釐私租另租一屆升科年限仍舊徵付其各旗隨缺地畝各台劃留區域均准照章按其應得之數免繳地價勘界劃留並援照熱河都統呈請禁止蒙旗私放荒地成案懇請特頒明令嚴禁所屬旗羣牧廠私放盜賣各節一以廣招徠之術一以示懲儆之方洵爲興利除弊切要辦法擬請均予照准卽由該都統擬具辦墾章程咨部核奪惟原呈內稱此後如再有王公總管及以下等職勾通地痞土棍私放盜墾一經查覺或由他人舉發卽行咨部轉呈褫革仍交法庭究辦並勒追私得銀欵以一半歸公一半充賞等語查禁

止私放盜賣之後遇有故違禁令者應如何嚴行罰辦最爲重要問題  
財政部前因蒙旗私放荒地往往滋生糾葛曾經電咨東三省及各特  
別區域將事前防範事後懲治辦法妥擬專章送部核呈在案現在各  
省尙未擬齊送部該都統所請褫革究辦及分別充公給賞一節應俟  
前項專章各省送齊之後再由本部等彙核另案呈請頒行庶免將來  
或有牴觸至墾闢蒙荒獎勵辦法七條先經蒙藏院財政部農商部呈  
准通行當時爲優待蒙旗促進墾務起見故第一第三兩條有自行招  
墾者均得給獎之規定現在蒙旗荒地旣請嚴禁私放盜賣一律報由  
公家代放前項獎勵辦法不無衝突擬除第一條准如該都統所請修  
正外並將第三條原文凡將本旗地畝呈報自行招墾十二字一併改  
爲凡將照章劃留領照之地自行開墾字樣以免兩歧所有遵議察哈  
爾呈擬開放蒙荒一案並請修改獎勵辦法各緣由是否有當理合會

同具呈伏乞 大總統鑒核訓示施行再此呈係由財政部主稿合併聲明謹呈

都統令准蒙藏院咨整理蒙租辦法文

(原呈附) 五年二月一日

准蒙藏院咨開准內務財政農商等部咨稱本部等會呈核議蒙藏院呈整理蒙租辦法一案奉批令准如所議辦理卽由各該部另行遵照並交蒙藏院查照此批等因奉此相應抄呈咨行查照轉行知照等因到院查此案先由前蒙藏局呈擬辦法經主計局加具說帖交部核議奉批可等因奉此相應印刷原案分咨查照可也附抄件等因准此查此案前准財政等部咨行到署當經另飭會議呈覆在案茲准前因除另行外合亟刷印附件令發該局仰仍遵照前令併案會議具覆核咨此令

附原呈

竊准政事堂抄交蒙藏院總裁貢桑諾爾布呈擬蒙租辦法並由主計

局加具說帖擬統交財政部內務部農商部會核議行奉批可等因奉此查蒙藏院原呈及主計局說帖所擬整理蒙租辦法各條內稱一剔除中飽請令都統巡按使責成經手蒙租各官吏協同旗派蒙員清理舊欠實欠在民者分別帶征豁免官吏侵肥者從嚴參辦一劃分租項用途擬由財政部令下各財政分廳遵照定章分別造冊將蒙旗應得之租不歸報効者均仍歸蒙旗支用不得挪移一業佃兩戶交相爲養宜由各該管地方官會同蒙員傳集兩造按照習慣酌定契約由官存案彼此恪守各節均爲廓清積弊保全信用起見擬請照准辦理惟原呈內稱蒙旗租宜普設租局由官蒙派員會徵分撥各地主具領請令各該管長官征集各旗妥訂局章會同辦理其蒙旗設治縣分比照內地丁糧成例對於征租嚴定功過訂入官規一節主計局說帖意見略同並以蒙旗征租附入考成山西土默特旗租曾定有照雜賦處分之

例擬交財政部核辦等語本部等會同核議官蒙全征辦法意見互相  
籍制可免侵漁之弊固非無見惟蒙旗幅員甚廣若普設租局經費不  
資似未免稍有窒礙又呈稱蒙旗租率輕微請免提成一節主計局說  
帖擬將蒙地除已有報効地租者外勿論新舊墾出蒙地國家概不提  
取租項爲蒙旗計固屬體恤周至第於國家收入大有影響且恐向有  
報効地租者不免有所藉口以上兩項是否可行抑應如何變通辦理  
之處擬請令由巡按使都統各按就地情形詳加核議再定辦法其征  
租考成究應如何規定亦由各該省一併擬訂報部核奪所有會核整  
理蒙租辦法一案緣由是否有當理合呈乞 大總統鈞鑒訓示施  
行再此呈係由財政部主稿會同內務農商兩部辦理合併聲明謹呈  
摺務總局呈都統遵令擬覆暫行撥給該羊羣遷移費銀二百五十

兩請批示遵行文

四年五月二十七日

據管理商都達普遜諾爾馬駝羣總管普爾布札普管理三旗達哩崗崖牛羊羣總管等會呈稱近日本總管普爾布札普卓特巴札普會同墾務總局賀商定籌議撥給正黃羊羣遷移費銀五百兩此款擬由商都牧羣應得恤蒙銀內撥給之處理合會呈都統伏乞令行墾務局迅卽發放此項銀兩以便轉行散給遷移各窮人而資遷移等情據此查此案前據該兩總管會呈到署當卽令行該局查復核辦在案茲復據前情除批示外合再令行該局仰卽一併查明可否由該局撥給銀兩妥擬具復以憑核奪此令等因奉此查此案既經前墾務總局局長會同該羣總管等商定由商都牧羣應得恤蒙銀兩內撥給正黃羊羣遷移費銀五百兩自應照辦惟本總局存款無多而此項撥款又碍難從緩擬由本總局存款項下暫行撥給該羊羣遷移費銀二百五十兩下餘二百五十兩俟該羊羣官兵遷移之後再行如數撥給本總局爲款項支繙變通辦理起見應請令

行牛羊羣總管到局支領是否有當理合呈請都統鑒核令遵謹呈

都統令據馬羣總管呈稱會同墾務局長商定遷移費由局撥給文

四年五月二十九日

據管理商都達普遜諾爾馬駝羣總管普爾布札普管理三旗達哩崗崖牛羊羣總管等會呈稱近日本總管普爾布札普卓特巴札普會同墾務總局賀商定籌議撥給正黃羊羣遷移費銀五百兩擬由商都牧羣應得卹蒙銀內撥給之處理合會呈都統伏乞令行墾務局迅卽發放此項銀兩以便轉行散給各窮人而資遷移等情據此查此案前據該兩總管會呈到署當卽令行該局查復核辦在案茲復據前情除批示外合再令行該局仰卽一併查明可否由該局撥給銀兩妥擬具復以憑核奪此令

墾務總局呈都統遵令擬復賞給該佐領恤蒙銀兩及另租無庸改

歸私租請鑒核施行文

四年六月三日

五月十四日案奉都統令開據沽源縣知事呈稱案據京都鑲黃旗蒙古世管佐領榮貴等呈稱竊職等原有祖遺前清恩賞馬廠係前清順治四年始祖喀喇沁大臣頭等他布囊原任禮部尙書江甯平寇將軍公哈爾哈齊阿玉璽等奏明作爲牧廠坐落在沽源口外平頭梁一帶前於民國二年在內務部呈請開放升科當蒙內務部行文察哈爾都統查明辦理復經都統行知前縣長吳派差會同職等赴地查勘迨職等查明會覆由前縣長袁稟覆都統職等又復親往張垣呈奉鑿務總局批准訓令聽候勘丈各在案去冬沽源設立鑿務局職等遵照鑿務總局批示來轅呈請清丈並懇請賞給水草銀兩暨常年四釐私租當呈前縣長袁批候轉呈乃以匆匆交卸未及辦理職等伏候至今近聞丈地委員已經分途出口逐段丈量伏思職等之地既疊經前清欽差勘查明確實均有地冊成案可稽又經鑿務總局准予清丈謹再籲請伏乞格外鴻施俯念職地係屬

世官世產速予派委勘丈並准由職等親往會同丈放俾得按照局章得  
有水草銀兩暨常年四釐私租藉以稍裕生計不勝感激之至再職等馬  
廠前經口北道前墾務大臣按照官荒開放之地改收另租名目去年職  
等曾經稟請俟清丈後一律改爲私租賞還亦爲遵照局章起見惟聞本  
縣巡警經費向由另租內籌撥現若改爲私租職等情願提成報効以盡  
微忱等情據此知事檢查檔案該佐領所呈各節已於去年四月五號來  
縣稟明在案當經袁知事據情轉呈鈞署至今未蒙批示下縣茲據覆呈  
前情知事覆查此案業經前知事袁曾於去年派差往查該佐領祖遺長  
梁等處荒地在前清光緒二十六七年間經前墾務局按照官荒散放早  
已升科在案餘無大段空閑荒地其已墾放之長梁等地均有另征另租  
留支本縣警費至現在清丈地畝事未完竣其地究有若干現難核計今  
該佐領一再呈請可否將此項另租並按章應得水草銀兩暨續行丈出

餘地一律改歸該佐領私租之處事關重大未敢擅專除批令候示外擬合具文呈請查核俯賜批示祇遵實爲公便等情據此查此案既據該佐領呈稱前經該局批准勘丈並經沽源縣查經前墾務局辦理有案自應令由該局查照呈內情事遵章妥擬具覆核辦以憑轉令遵行此令等因奉此本總局當邀沽源縣知事到局諮詢一切據稱該佐領祖遺長梁等處荒地在前清光緒二十六七年間經前墾務局按照官荒散放早已升科在案凡已墾放之地均有另徵另租留支該縣警費等語是該縣警費向由此項另租籌撥而馬廠地畝又係前墾務局按照官荒放墾該佐領所請改爲私租之處礙難照准至續行丈出之餘地按照舊章歸該佐領私租候令沽源墾務局將此項餘地丈清收取押荒升科後由該佐領向該縣署承領至該佐領呈稱按照局章得有水草銀兩一節查前墾務局清丈章程無水草銀兩名目姑念該佐領馬廠餘地自行呈報清丈殊堪

嘉許擬援照前鑿務局章程各旗羣台站之地每鑿地一畝內有恤蒙銀四分之例俟該局將此項餘地清丈完竣收欵發照後卽由押荒項內每畝扣給恤蒙銀四分由該佐領到該局支領以示體恤所有遵令擬覆賞給該佐領恤蒙銀兩及另租無庸改歸私租緣由是否有當理合呈請都統鑿核轉令遵行謹呈

都統指令遵令擬覆賞給該佐領恤蒙銀兩及另租無庸改爲私租

文 四年六月三日

呈悉准如所擬辦理候令沽源縣知事轉令該佐領等遵照此令

鑿務總局令委員王常誠來丙甲遵照都統令諭留香火地三十頃免繳地

價以作香火之用文 四年六月十五日

案據繩丈委員郭永泉張永旭呈稱奉令勘丈羊羣暨大馬羣地該羣翼長特穆爾博羅特副協領吧楞等指引劃界與原圖不符計少指肥沃荒

地已達百頃有奇一案業奉都統令行該羣總管准在該廟附近留地三十頃以作該廟香火之資此外荒地仍令該翼長等按照原圖指引劃界核實丈量嗣後各旗羣地如果再有隱匿及專擅之處定當執法以繩從嚴懲辦決不稍從寬貸等因在案合亟抄發原文令知該委員等先赴該地遵照都統令諭在該廟附近留香火地三十頃此外荒地仍按照原圖核實丈量每五頃地編爲一號迅將此地丈量完竣卽將此地圖表並前派委員王械齡等填繪圖表令差送局卽速會同勘丈大馬羣地仰卽妥慎從速辦理切切勿延此令

鑿務總局公函牛羊羣總管到局具領遷移費並令官兵迅速遷移

文 四年七月二日

案查本總局呈請暫行撥給牛羊羣官兵遷移費銀二百五十兩下餘二百五十兩候官兵遷移之後再行如數補撥一案奉都統指令呈悉候令

該兩羣總管查照具領此令等因奉此本總局爲體恤蒙艱顧全信用起見下餘遷移費二百五十兩茲特勉力籌付相應函致貴總管請卽到局查照具領並希飭該官兵等迅速遷移用符原案而便招領是爲至要此致

墾務總局指令豐鎮墾務局呈請本局咨行各旗總管將隨缺地段

坐落四至繪圖造冊文

四年七月十六日

呈悉業經都統令行各該旗總管繪圖造冊送交本總局轉發矣仰候送到再行令發可也此令

墾務總局呈都統羊羣遷移費已如數領訖並請令馬羣羊羣兩總

管派員劃清地界及官兵早日遷移文

四年八月十日

五月二十六日案奉鈞令由商都牧羣應得卹蒙銀內撥給正黃羊羣遷移費銀五百兩一案當因本總局存款無多呈請暫行撥給二百五十兩

下餘二百五十兩俟該羊羣官兵遷移之後再行如數撥給等情業奉指  
令應令該總管等查照具領在案嗣由本總局爲體恤蒙艱顧全信用起  
見復將下餘遷移費銀二百五十兩勉力籌付於六月三十日照會牛羊  
羣總管到局具領先後兩次共銀五百兩均由該羣協領丹巴多爾濟如  
數領訖理合呈請鑒核備案再查接管卷內該羣官兵遷移地點業由該  
總管等協商會呈在案乃迄今數月仍未實行遷移塞外早寒似此延宕  
實非體恤官兵之心現既將遷移費銀五百兩一併發交且屢經該羣協  
領丹巴多爾濟來局面請令催應請由鈞署嚴令大馬羣總管迅速派員  
劃清地界並令牛羊羣總管迅令該羣官兵等早日遷移不得再事延緩  
用符原案而便招領理合一併呈請都統鑒核迅賜施行實爲公便謹呈

墾務總局呈都統照發商都牧羣總管借發大洋一千元由恤蒙項

下扣還呈報備案文

四年八月二十九日

案奉都統交下商都牧羣總管普爾布札普印領一紙內開借發大洋一千元以充給本羣護羣兵薪糧之需此欵由八分恤蒙項下扣還等情當卽按數照發大洋一千元交該總管收訖除將印領留局備查外理合備文呈請都統鑒核備案謹呈

都統咨農商部蒙藏院酌加獎勵商都牧羣總管以資激勸文

總務局

承辦堂稿一四年九月一日

案准貴部蒙藏院咨開前准財政部咨稱准政事堂機要局交財政部呈核議賑濟蒙災及報舉辦法一案奉 大總統批令所擬賑濟蒙災各節應准照辦至摺開蒙荒事關實邊要計應由該部會同農商部蒙藏院妥籌辦法呈候核奪此批等因到部除賑濟蒙災各節應卽遵批照辦外至摺開蒙荒事關實邊要務應如何妥籌辦法應會同擬定相應抄錄呈批咨行查照等因前來當經本院博稽成案斟酌現情會同農商財政兩

部擬具墾闢蒙荒獎勵辦法七條恭呈

大總統鑒核茲奉批令如擬

辦理卽由該院通行遵照單存此批等因奉此相應抄錄原呈及墾闢蒙荒獎勵辦法七條咨請貴都統遵照辦理可也此咨並抄錄原呈暨墾闢蒙荒獎勵辦法七條等因准此查察區墾務歷辦有年各旗羣報墾及民人請領之地多半零星不成大段按之前項獎章殊鮮合例惟於民國三年十一月間據管理商都達普遜諾爾馬駝羣總管普爾布札普疊次請墾七八台交界冬季游移牧放一帶地當經令據該總管將游牧地名及確切四至界址繪圖貼說送核前來查閱圖開地點東界由庫倫阿濟拉干大道界起經過花霍秀霍雅爾托羅蓋布檔圖賀喀木烏蘇鄂倫諾爾之色爾博克巴哈蘇台至德哩蘇烏蘇一百五十餘里西界由扎噶蘇台之新田地界起經過七台烏蘇爾奇魯八台札拉興安哈拉奇魯至正黃巴爾呼長一百四十餘里南界察汗諾爾寬者四十餘里北界至西蘇呢

特寬者二十餘里計地一萬餘頃經令墾務總局派員勘丈嗣因所報地內稍入正黃羊羣游牧地方由該總管等集議在大馬羣界內指地補撥雙方認可祇以展轉籌商致稽時日現在關於羊羣之地業經丈竣卽將續丈馬羣並由墾務總局籌撥羊羣官兵等遷移費以備卽日遷移此項報墾地畝即可完全丈放查該商都牧羣總管普爾布札普於察區墾務進行之際首先請墾地畝至一萬餘頃之多以弓口合計約達六千方以上洵屬獨具熱誠深明大義自應酌加獎勵以資激勸而樹風聲查獎勵辦法第二條內開凡將本旗地畝報由國家放墾地在五千方以上者給予翊衛處各職銜該總管報墾之地既在六千方以上核與本條規定相符茲特根據本辦法第六條之規定咨陳貴院會同貴職部呈請

大總統核給除分咨外相應咨請貴院會同貴職部呈請

墾務總局呈都統遵令將小廟子香火地畝免交押荒發給部照並

大總統核給除分咨外相應咨請貴院會同貴職部呈請

部

農業部 財政部

會同

農業部 財政部

呈請

請轉發照冊費以清手續文

四年九月三日

案奉都統令開據商都牧羣總管普爾布札普呈稱前奉鈞令將本羣小廟子圈留之地撥給該廟香火地三十頃並將此一帶地畝會同委員劃分等因奉此當經總管委派得木奇巴彥克什克會同委員劃分遵照鈞令將小廟子香火地三十頃業已丈給請將撥給該廟三十頃地免收押荒發給憑照作爲該廟香火長產一俟開墾成熟照例交納國課是否有當理合呈請批定施行等情據此除指令外合亟令仰該局詳核具覆以憑令遵此令等因奉此查小廟子香火之地曾奉都統令准撥給自應免收押荒以示優異該總管所稱發給三十頃部照之處遵卽填發呈送都統轉令驗收除將正費免除外所有應納之照費一元註冊費一角理合呈請都統轉令備送來局以符定章謹呈

鑿務總局呈都統爲奉農商部批所擬開放蒙荒優待王公各辦法

自可照准錄批呈請鑒核文

四年九月六日

本總局於本年六月稟承前都統酌擬開放蒙荒優待王公厚恤旗羣厲禁私放嚴杜盜賣各辦法以體蒙艱而興地利一案曾經呈請大總統訓示遵行並由本總局分呈內務財政農商部查核各在案茲奉農商部第一千三百號令開據呈已悉所擬開放蒙荒優待王公各辦法係爲推廣舉務增闢利源起見自可照准仰先妥擬辦舉章程呈部核奪此令等因奉此除辦舉章程俟擬訂後再行分呈外理合照錄農商部指令呈請都統鑒核備案謹呈

都統指令據呈覆馬羣租銀准其開單核明支發并令該羣迅速劃

界文

四年九月十一日

呈悉候令該商都牧羣總管按照呈復各節分別遵辦並迅令會勘委員趕緊會勘可也仰卽知照此令

鑲黃旗總管咨稱該旗所屬官兵原來尙未發給隨缺地畝均以游牧爲業文

四年十一月十六日

案奉都統令文內開據鑿務總局呈稱前據豐鎮鑿務局局長坐辦等呈請各旗隨缺地畝該縣無案可稽何以劃清四至請令查前來免價劃留當以各旗各縣類此之事甚多已經前任都統於本年七月十五日分令左右兩翼四旗總管遵照舊章限定該官兵等地段總分各數坐落四至繪圖造冊送由本總局轉令各局查照辦理等因在案迄今兩月有餘尙未准各該總管送交到局應請一面令催各該總管迅速造送前項圖冊並令將前清欽差大臣暨各將軍都統總督發給印文冊據限期從速送局核驗再一面令查前右司衙門原卷暨咨抄綏遠原卷一併發交本總局以憑核對明確卽行遵照前任都統呈准辦法按其應得之數免繳地價勘定劃留缺地勘劃以後則界外之地自不能再以隨缺論各縣此項

積案即可一律廓清而舉務進行亦不致發生窒碍是否有當理合備文  
呈請鑒核施行等情據此除正紅鑲紅兩旗業將前項圖說送署令核無  
須再造並批示分行外合亟令仰該總管迅卽繪具該旗佐缺地圖說二  
份並將前欽差大臣暨各將軍都統總督等前後發給該項缺地印文冊  
據統限於十月三十日以前一律送驗聽候核辦等因奉此伏查鑲黃旗  
所屬官兵等原來尙未發給隨缺地畝均以游牧爲業等情除備文呈請  
都統外理合咨報貴局查照可也此咨

都統令大馬牛羊羣總管准在該廟留地三十頃以作香火之用而

示優異文

(鑲務總局承辦堂稿)四年九月二十六日

察哈爾舉務總局案呈據繩丈委員郭永泉張永旭呈稱委員等於五月  
十九日各帶夫役會同大馬羣翼長特穆爾博羅特羊羣副協領吧楞等  
以察汗諾爾東界起由該員等頭前引導順庫倫大道直向西北劃勘甫

十餘里卽改道西南正西繞十四五里始按圖向西北直向花賀秀而行查原圖東界綫係由庫倫阿濟拉干大道向西北直至花賀秀雖其中稍有斜灣亦並無如此曲折較與原圖大不相符據羊羣副協領吧楞等面稱暨委員等按圖實地履勘東面少指計肥沃荒地已達百頃有奇經委員等與大馬羣翼長再四交涉該翼長始稱係與小廟子留作香火之地竊思此次丈放大馬羣地畝係由該羣自行繪圖呈報事前既未劃留事後亦當呈請都統批准方可施行何得擅自少指該翼長終不肯按圖指劃且該兩羣所派指界委員等時相齟齬非該翼長宣言不劃卽該協領裏足不前至二十日始劃到阿穆烏蘇東面尙不及三分之一若長此延宕計非二十日不能勘完全界委員等受委託之重何敢稍事敷衍而誤要公是以變通辦理暫由阿穆烏蘇向西往回勘劃以期早日開繩一俟將南段丈量完竣再行續劃北界於二十二日將南段勘驗完竣查此

次勘驗界址南北長者約五十里南界以察汗諾爾至花賀秀東西寬三  
二十里以花賀秀至阿木烏蘇東西寬者十里七八里三四里不等所有  
委員等勘界該翼長等擅自少指及故意延宕各情形理合呈請鑒核示  
遵等情前來查該羣地界既經該總管等熟商呈報丈放在案茲據該繩  
丈員呈稱劃界之時該翼長等擅自少指肥沃荒地百頃有奇又復故意  
延宕以致繩丈不能從速進行殊屬不合惟既據該翼長聲稱小廟子留  
作香火之地准在該廟附近留地三十頃以作該廟香火之資此外荒地  
仍令該翼長暨該委員等按照原圖指引劃界核實丈量嗣後各旗羣地  
如再有隱匿及專擅之處定當執法以繩從嚴懲辦決不稍從寬貸至該  
繩丈員所稱張士奎等私自丈地鑿井各節盜買盜賣尤干例禁亟應澈  
底查究應卽呈報候核除由總局令知繩丈員遵照外合亟令仰該總管  
等一體遵照並仰該總管轉令該翼長副協領等迅速指引劃界毋再延

宕致干未便切切此令

鑿務總局呈都統遵令查核正紅旗總管呈稱請領水草銀兩未載定章碍難照准至稱該民人七年自種租銀是否屬實應令該縣局查復再行核辦文

四年十一月十七日

本年十月二十八日奉鈞署令開據察哈爾正紅旗總管呈稱竊於十月二十日奉到都署令文內開據張北縣民人魄祥岳稟稱察哈爾正紅旗賽爾臺有地三頃餘經前任副參領巴雅斯呼朗覲面交給開墾成熟請押荒等情據此當經派員丈量有地三頃非職局所敢擅專懇祈查照辦理等語此項地畝是否副參領巴雅斯呼朗指鑿此內有無糾葛仰卽查明具報以備轉行等因奉此遵查賽爾臺三頃零十畝地於該臺長久來往遞送公文當差以及牧放官兵騎馬牧場游牧關係重要所謂前任副參領巴雅斯呼朗親自指給民人魄祥岳開墾者本旗公署無憑查考且

此項地畝於去歲經原任副參領鄂勒哲依那遜與正黃旗第四佐護軍  
校色楞德勒格爾等私自賣給民人劉三福情由被該臺官兵等呈控當  
經呈報都署訊辦將鄂勒哲依那遜先行褫職旋將所犯各節依法槍斃  
張貼告示查民人隗祥岳將賽爾臺三頃零十畝地自光緒三十四年起  
私行開墾耕種獨吞地利肥己並不交納賦課亦不交給租錢不服該臺  
官兵驅禁於茲七載若重公地則應懲辦因查旗卷於光緒十五年所有  
遞送公文數台地畝開放民人押荒升科經都署奏准援照成案專文指  
令每年交納水草銀每畝一分二釐於各令隨同官賦一併交由該縣署  
承收撥給作爲該台官兵等盤費並因僥倖白種官牧地不納糧由該民  
人報効銀兩與該台遞送公文之兵丁等置買騎馬各公項之用歷經辦  
理有案理合呈報都統懇祈轉行墾務總局轉行張北縣墾務局將本旗  
賽爾臺三頃零十畝地按照舊案辦理將七年白種租銀令其報効外其

每年應收水草銀並令訂章一併咨復以憑具領取發給該臺當差官兵  
實爲恩便等情據此除批示外合亟令仰該局查核辦理此令等因奉此  
查清丈章程旗羣臺站之地每墾地一畝但有恤蒙銀四分並無繳納水  
草銀之規定該總管呈稱按照成案每年繳納水草銀每畝一分二釐無  
案可稽本總局所擬厚恤旗羣辦法凡開放旗羣臺站每地一畝除照舊  
提給四分恤蒙銀兩外加恤各該旗羣下地每畝四分中地五分上地六  
分爲優待業經前都統何轉咨大部呈奉 大總統批准並通行在案  
自應遵照辦理該總管所請領取水草銀兩未載定章礙難照准至稱該  
民人七年白種租銀等情是否屬實應由本總局令行該管縣知事暨墾  
務局長查明呈覆再行核辦除令該縣局遵照查覆俟呈復到局再行呈  
報外所有違令查核辦理情形理合呈復都統鑒核施行謹呈

墾務總局批蒙兵嘉拉風等稟爲兵無養廉請認領正紅旗四蘇木

餘荒文 四年十一月二十八日

稟悉該蒙兵等素稱困苦既願認領餘荒以資生活應卽照准已令豐鎮縣知事會同墾務局長體察情形酌擬辦法勿令該兵民流離失所仰卽回旗聽候核辦可也此批

墾務總局令各縣知事局長查照所發浮條依式印刷轉交該高等調查

員兼勘丈員發給該旗官兵暫行收執文

(浮條式樣附)四年十二月一日

案據該局先後呈報清理正紅旗地畝專員等次第所呈各蘇木原圖及各佐領印結除隨缺及牧廠外所餘草荒均無幾何並有竟無尺寸閑荒者核與本總局調查員報告該旗各蘇木草餘各荒地畝數目大相懸殊業由高等勘丈員易薩圖秉承該知事局長會同該旗總管核實清丈務將該旗全境草餘等荒全數查出并由都統令行該旗總管暨該局局長坐辦凡各蘇木所有隨缺地畝以及牧廠均亦執有印文冊據爲憑由該

調查員兼勘丈員按其應得之數核實丈撥由該縣局發給浮條暫行收執並由該旗將印文冊據送交本總局查驗確實換給部照免繳地價俾令管業至隨缺牧廠以外之地凡係未領部照暨無納糧紅契者無論生荒熟荒及私墾之地均由該員核實丈量報局照章放墾各在案茲由本總局擬定浮條樣式合函令發該縣局查收依式印刷以便轉交該員發給該旗官兵暫行收執俟由該旗將印文冊據送交本總局查驗確實再行令知該縣局換給部照俾令管業仰卽查照辦理此令

### 附浮條式樣

根	存	查	有	旗	應	領	牧	場	地	坐	落
中		計	頃	畝	東	南	至		西	至	
華		給	浮	條	交	與	收	執	總	局	核
民	國	都	大	部	批	示	令	俟	局	明	證
年	月	統	部	批	令	遵	後	再	核	據	彙
		存	款	交	與	收	執	換	給	部	報
		中	至	北	至	北	至	行	部	照	留
		華		至		至		換	照	留	此
		民						為	據		

浮條

爲通知事本局查有

旗

坐落

地方計

頃

畝東至

茲由本局暫給浮條交由

收執俟全

都統部批示後再行換給部照爲此通知

據彙案呈報

中華民國

年

月

日

某某縣墾務局具

張北縣知事呈遵查賽爾等台放墾地畝水草銀兩情形文

四年十一月

案奉鈞局令開本年十月二十八日奉都署令開據察哈爾正紅旗總管呈稱竊於十月十二日奉到都統令文內開據張北縣民人魄祥岳稟稱察哈爾正紅旗賽爾台有地三頃餘經前任副參領巴雅斯呼朗覲面交給開墾成熟請抑荒等情據此當經派員丈量有三頃地非職局所敢擅

專懲祈查照辦理等語此項地畝是否副參領巴雅斯呼朗指墾此內有無糾葛仰卽查明具報以備轉行等因奉此遵查賽爾台三頃零十畝地於該台長久來往遞送公文當差以及牧放官兵騎馬牧廠游牧關係重要所謂前任副參領巴雅斯呼朗親自指給民人隗祥岳開墾者本旗公署無憑查考且此項地畝於去歲經原任副參領鄂勒哲依那遜與正黃旗第四佐護軍校色楞德勒格爾等私自賣給民人劉三福情由被該台官兵等呈控當經呈報都署訊辦將鄂勒哲依那遜先行褫職旋將所犯各節依法槍斃張貼告示查民人隗祥岳將賽爾台三頃零十畝地自光緒三十四年起私行開墾耕種獨吞地利肥已並不交納賦課亦不交給租錢不服該臺官兵驅禁於茲七載若重公地則應懲辦因查旗卷於光緒十五年所有遞送公文數臺地畝開放民人押荒升科經都署奏准援照成案專文指令每年交納水草銀每畝一分二釐於冬令隨同官賦一

併交由該縣署承收撥給作爲該台官兵等盤費並因僥倖白種官牧地  
不納糧由該民人報効銀兩與該台遞送公文之兵丁等置買騎馬各公  
項之用歷經辦理有案理合呈報都統懇祈轉行鑿務總局轉行張北鑿  
務局將本旗賽爾台三頃零十畝地按照舊案辦理將七年白種租銀令  
其報効外其每年應收水草銀並令定章一併咨復以憑具領領取發給  
該臺當差官兵實爲恩便等情據此除批示外合亟令仰該局查核辦理  
此令等因奉此查清丈章程旗羣台站之地每墾地一畝但有恤蒙銀四  
分並無繳納水草銀之規定該總管所稱按照成案每年繳納水草銀每  
畝一分二釐本總局無案可稽本總局所擬厚恤旗羣辦法凡開放旗羣  
台站每地一畝除照舊提給四分恤蒙銀兩外加恤各該旗羣下地每畝  
四分中地五分上地六分已爲優待業經前都統何轉咨大部呈奉

大總統批准並通行在案自應遵照辦理該總管所請領取水草銀兩未

載定章礙難照准至稱該民人七年自種租銀等情是否屬實應由本總局令知該管縣知事暨墾務局長查明呈復再行核辦除呈復都統鑒核並令該局長遵照外合亟令仰該知事迅速查明具復以憑核辦切切勿延此令等因奉此遵查前清光緒十五年間經押荒局墾放賽爾台地畝除該台站酌留遞送公文外餘則散放民戶耕種并無恤蒙銀兩按每年每畝帶收水草銀一分二釐隨糧帶收由該台按年來縣具領嗣後丈放各旗羣台站無論何項地畝一律概無水草之議至該民人隗祥岳有無私墾賽爾台地畝及欠交糧租若干年分此係蒙荒地畝向由各該管旗羣台站總管自行經理縣署無從查悉既未升科亦無案可稽緣奉前因擬合具文呈復鈞局查核謹呈

墾務總局指令張北縣知事呈遵查賽爾等臺放墾地畝水草銀兩

情形文

四年十二月十一日

呈悉候該縣墾務局長核擬具覆一并轉呈此令

墾務總局呈都統據商都牧羣總管請撥恤蒙銀兩本總局於十一

月十五日以前分期墊撥數目呈報備案文

四年十二月三日

查商都牧羣總管所報羊羣大馬羣荒地業經派員勘丈完竣計共萬頃有奇前據該羣總管咨請撥給恤蒙銀兩等情前來本總局因正黃旗與該羣爭執界址糾葛未清地數未能確定兼之新放之地無多收入有限籌款維艱一時難以墊給而信用攸關又不能不略事變通勉為應付故於本年八月由前都統批交墊撥該羣總管銀幣一千元九月十七日墊撥銀幣三百元十一月十五日墊撥銀幣二千元又分期墊撥六百四十九元一角八分前後共計墊撥銀幣三千九百四十九元一角八分均由本總局取有該羣總管印領並令註明由八分恤蒙銀兩項下坐扣字樣作為憑證擬俟該羣糾葛劃清地畝放有成數再行遵章發給恤蒙銀兩

併案結算所有墊撥該羣總管欵項數目理合呈報都統鑒核備案謹呈

鑿務總局令張北縣知事局長爲正紅旗總管請領水草銀兩暨該

民人七年白種租銀一案錄批轉令查覆以憑呈報文  
月三日

案查正紅旗總管請領水草銀兩未載定章該民人七年白種租銀是否屬實一案業由本總局令知該知事局長迅速查明具覆並將令查情形呈報都統各在案茲奉指令據呈已悉應候該縣局遵照查覆到局再行呈報備查此令等因奉此令亟抄錄指令仰該知事局長遵照迅卽確切查明具覆以憑轉呈切切勿延此令

摺務總局指令張北摺務局據呈和親王府劃留租子地如何辦理

請鑒核令遵文  
四年十二月十日

四年十二月十日

早悉據稱該王府自行劃留地三百頃給與蒙人養贍地二百頃均不押荒亦不納糧升科等情查希璋榮貴等處牧廠業經本總局令行該縣局

清理完竣並無劃留養贍租子地畝該王府似不能獨異該府有無前清欽差大臣奏准劃留成案及准不押荒升科印文憑冊該局長亦未聲明豈可空言了事仰該局長調驗該王府印據文證送局查核一面遵照清丈章程第一章第三條一律核實清丈造冊呈報至租子地應否劃留俟將印據文證送由本總局查驗之後另行令遵此令

都統令准部院呈准商都牧羣總管報地給獎文

原皇四年十二月三日

准蒙藏院咨開准機要局交財政部農商部蒙藏院會呈商都牧羣總管普爾布札普報墾荒地請給勳章一案十一月二十八日奉批准如所擬給獎交政事堂令銓敘局查照此批等因奉此相應恭錄批令粘抄原呈咨行遵照辦理可也附粘原呈等因准此查此案前由本都統遵章請獎以爲各旗羣躡躍報墾者勸茲既奉准行知除通令外合亟抄粘原呈令發該局卽便知照此令

附原呈

竊准察哈爾都統咨稱察區墾務歷辦有年各旗羣報墾及人民請領之地多半零星不成大段惟民國三年十一月間據管理商都達普遜諾爾馬駝羣總管普爾布札普迭次請墾七八臺交界冬季游牧一帶地方計地一萬餘頃經令墾務總局派員勘丈該總管於察區墾務進行之際首先請墾地畝至一萬餘頃之多分咨部院呈請獎勵等因前來查開墾蒙荒曾奉諭令積極進行而各蒙旗風氣未開率多觀望惟該總管於察區墾務進行之際獨能將所管理地畝報墾至一萬餘頃計合六千餘方之多尙屬辦事熱心可否酌給五等嘉禾章以樹風聲而資激勸之處出自逾格鴻慈所有會擬商都牧羣總管報墾所管荒地請給獎章各緣由是否有當理合會呈 大總統鑒核批示施行再此呈係由蒙藏院主稿合併聲明謹呈

摺務總局函致商都牧羣總管奉令獎給五等嘉禾章文

四年十二月十八日

案查貴總管前以七八臺交界冬季游移牧放一帶地方報由本總局丈放首先請摺地畝至一萬餘頃之多洵屬深明大義當由本總局查照摺關蒙荒獎勵辦法第二條之規定呈請都統咨請蒙藏院會同財政農商部呈請 大總統給予獎勵旋經財政農商部蒙藏院呈請酌給五等嘉禾章以樹風聲而資激勸本年十一月二十七日奉 大總統批令准如所擬給獎交政事堂令銓敘局查照此批等因業經登錄政府公報并奉都統令知到局相應函致貴總管知照此致

摺務總局批和親王府代表毓璋稟請養贍地畝立案文

四年十二月二十一日

稟悉據稱本府紅山子馬廠於前清光緒二十八年開放前摺務局章程載每千頃內有王府養贍二百頃共馬廠養贍地四百頃內有蒙古人地二百頃本府二百頃前溥懷經理前摺務局有案可稽現在養贍地畝執

照失落請予立案等情前來查放鑾王公牧廠當勞四成地價以後按年分給每畝四分私租優待已無復加故本區各旗各王公並無特留養贍地成例本總局接管卷內既無各王府養贍地畝卷宗亦無前鑾務章程及照根等項查無底案眞僞莫定核辦綦難所請立案之處碍難准行此批

都統令呈 大總統請將察區收入欵項補發八旗俸餉所有解

部之欵應暫停解候令辦理文

(呈文附)四年十二月二十八日

案查察哈爾蒙古八旗俸餉三四兩年欠發三十三萬餘元該旗屢經請領呼籲維殷已由本都統據情呈請將察區收入之欵爲補發該旗俸餉之用謹當敬候批令所有該局預計明年解部之欵暫行停解候令辦理仰卽知照此令

附呈文

伏讀本年十二月十八日申令所有滿蒙回藏待遇條件載在約法將來制定憲法時自應一併列入憲法繼續有效此令等因仰見 大

總統一視同仁之德量欽佩莫名竊查察哈爾所轄蒙古八旗每年俸餉十八萬九千五百餘元向由財政部發給歷辦在案至民國三年分僅發給二萬零三百餘元四年分僅發給一萬八千九百餘元兩年共欠發三十三萬餘元在財政部綜理全國財政此項俸餉爲歷年舊案原列入支出項下是在預算範圍之內者節經請領財政部以籌有款項再行補發爲詞迄未發給內外財政固屬同一困難然該八旗兵丁生計維艱向賴此餉以資養贍今兩年缺餉飢寒所迫老弱轉乎溝壑少壯流爲盜匪顛連困苦情殊可矜擬懇由明年起仍照原餉如數發給卽由察哈爾收入項下開支查財政分廳五年度預定應解之款十四萬有奇以此欵開支該八旗俸餉是以收入爲支出均在部定預算

範圍之內者也惟出入相抵尙不敷四萬餘元擬由墾務局所收荒價項下動支查據墾務局呈報預計明年收數約在二十萬元以上除撥明年應發該蒙餉四萬元外其餘全數以充補發三年份欠餉十六萬餘元所欠四年份之餉祇得分年陸續補發以紓財力總之以察區歲入之款爲部定支出之用在財政部無須另籌他款補助在察區亦可藉以自給統俟明年年終通盤核算或盈或絀再行呈請核銷伏念當此財政困難之際但能撙節何敢虛糜惟思滿蒙旗民同在覆幬之內張家口獨石口千家店滿洲駐防八旗每年俸餉九萬餘元旣由財政分廳如數發給而蒙旗事同一律自應共沐鴻施再該內蒙向來傾心嘉今奉明令宣示待遇條件繼續有效該蒙民等歡欣鼓舞歌頌仁恩慶幸之餘彌深希冀爲此籲懇念蒙旗困窮邊疆瘠苦准如所請辦

理俾得假手措施以圖報稱庶可仰副綏服蒙疆之至意所有蒙古八旗俸餉擬由察區收入項下開支緣由除咨財政部外理合據實呈請  
祈 大總統睿鑒俯准令部備案施行謹呈

鑾務總局指令多倫鑾務局據呈請處置德公府養贍收租各辦法  
請鑑核示遵文 五年一月十三日

呈悉查內務財政農商三部呈准察哈爾鑾務清丈章程第一章第三條內載無論新荒舊荒各王公牧廠旗羣台站各地概行施丈以期劃一而昭大公又查前都統何呈准開放蒙荒優待王公厚恤旗羣各辦法文內有開放王公牧廠升科後照前放鑾章程准其隨徵四釐私租並於開放時劈給四成地價特示優待此後如有私放盜鑾同時嚴定懲罰各等語本局對於德公府牧廠自應視同一律照章辦理該府收租地是否由前鑾務局劃留有無印文冊據實際上是否私放盜鑾應由該局長坐辦切

實查明據情呈復至養瞻香火各地尤應以印文冊據爲憑該府是否有印文縣署內有無此項冊據均須詳查開單具復以憑核辦此令

墾務總局呈都統爲令查正紅旗總管請領水草銀兩暨魄祥岳白種租銀一案應俟照會正紅旗總管轉令該前參領知照具覆到

局再行呈報文

五年一月十三日

案奉鈞令查正紅旗總管請領水草銀兩暨魄祥岳白種租銀一案本總局奉令後當卽遵照定章分別呈復都統鑒核施行奉令據呈已悉應候該縣局遵照查復到局再行呈報備查此令各在案茲據張北縣知事呈復遵查前清光緒十五年間經押荒局墾放賽爾台地畝除該台站酌留遞送公文外餘則散放民人耕種並無恤蒙銀兩按每年每畝帶收水草銀一分二釐隨糧帶收由該台按年來縣具領嗣後丈放各旗羣台站無論何項地畝一律概無水草之議至該民人魄祥岳有無私墾賽爾台地

畝及欠交錢租若干年分此係蒙荒地畝向由各該管旗羣台站總管自行經理卑縣無從查悉既未升科無案可稽復據張北墾務局呈稱查魄祥岳卽魏尙元於光緒三十四年在正紅旗前任副參領巴雅斯呼郎任內承領賽爾臺荒地三頃餘據該民人魏尙元稟請職局勘丈畝數相符當將蒙約驗明蓋徵呈請前都統何令科譯出漢文到局遵查蒙約內議給教民魏姓一年每畝收取租價魏尙元租錢是否按年繳納自應令知前任副參領巴雅斯呼郎具覆方爲確實等情到局除由本總局照會正紅旗總管轉令該前參領巴雅斯呼郎確切具復到局再行呈報外理合將該知事局長查復情形呈報都統鑒核備案謹呈

墾務總局呈都統呈送原發正紅鑲紅兩旗隨缺地圖說請鑒核備

查文

五年一月十九日

查民國四年十月奉鈞署令發正紅鑲紅兩旗隨缺地圖說請鑒核備

號令發鑄紅旗隨缺地畝圖說一本並奉令開呈送圖說原紙一份仰該局令員繪鈔繳送備查等因奉此遵卽令員鈔繪完竣茲將原發各旗隨缺地畝圖說遵令送繳以便備查理合呈請都統鑒核施行謹呈

鑿務總局咨財政分廳查明毓公府開放馬廠已報糧升科並無免予升科案件請轉知遵章辦理文

五年一月十九日

案准貴廳咨開案據多倫縣呈送四年份應行升科地畝案內有毓公府應免升科牧廠地六十三頃七十七畝究竟因何免予升科令縣查復僅據鑿務局移送冊內聲明免科字樣此外並無檔案可稽相應檢送原冊一本備文咨請貴總辦請煩查案見復仍希原冊咨回核辦等因並附送清摺一本到局查本總局接管案內關於毓公府呈請開放馬廠卷宗一於前清光緒二十六年三月由戶部咨商都統文內有輔國公毓森咨請都統文內有前清鑿務大臣貽穀派員指明地界歸本府自行遵守招鑿

當經放出六百餘頃業已報糧升科等情至准予免科文件本局並未照准亦無此案件存查應由貴廳轉知該府遵章辦理可也並希見復此咨

鑿務總局指令沽源鑿務局據呈爲希璋代理人張堯卿稟請先領

四順永地畝優欵是否發給並成數如何分劈乞示遵行文

五年一月

二十五日

呈悉該義烈公希璋四成優欵應俟全案判結後如確無別項糾葛方准核計現收該廠地價按照四成應行劈給若干立卽照額發給傳知該代理人具結承領以全信用并將撥欵數目隨時函知該義烈公希璋知照并呈報本總局以備查核至沙石城灘現既暫不收價自然無欵劈給仰卽遵照辦理此令

鑿務總局公函致鑲白旗總管迅將各官兵隨缺地畝數目四至繪圖貼說咨送到局以憑分別轉發文

五年二月二十一日

案淮貴總管咨開茲奉都統署令文內開將該旗官兵隨缺地頃畝數目坐落四至繪圖造冊逕送鑿務局等因奉此遵查光緒二十九年九月間接奉欽命督辦蒙旗鑿務大臣理藩院尙書銜綏遠城將軍貽察哈爾都統奎札開各旗應得缺地各項酌定大概數目按照奏定缺牧各項新章將官兵隨缺頃畝數目粘單札到在案本旗游牧多係沙地茲將各官兵之地頃畝數目道具清冊咨報總局請煩查照等因查清理隨缺地畝必須查照圖冊方有根據貴旗所報官兵隨缺地畝清冊僅有頃畝數目至該地坐落四至未據繪圖貼說本總局碍難查核轉發相應函致貴總管遵照都統原令將官兵隨缺地畝坐落四至繪圖貼說咨送到局以憑分別轉發請煩查照迅速轉令辦理實級公誼此致

鑿務總局指令沽源鑿務局據呈義烈公希璋代理人張堯卿具結  
領訖四順永地畝四成優畝數目伏乞鑒核文

五年三月十五日

呈悉據稱該義烈公希璋所有四順永地畝確無別項轄該地價已全數繳清照章劈給四成優欵一千四百七十六元業經該代理人張堯卿具結如數承領並函知該義烈公知照等情應准備案該局有應撥王公優欵及旗羣台站恤蒙欵項應先將放出地數實收地價以及各項情形分別列表具報候本總局核准再行發給仰卽遵照辦理並將該義烈公希璋所有場地放出地數實收地價以及各項情形列表補報可也此令  
鑿務總局呈都統據正黃旗總管呈報調查閑荒預借川資等情已  
出具印領來局領取呈請鑒核文

五年三月二十四日

頃據正黃旗總管兼本總局調查員巴揚孟克呈稱竊職奉委前赴本旗調查各佐空閑地畝現因川資缺乏請先預借洋四百元以資盤用此項借款如有開放地段請由四分恤銀項下扣留等情本總局以該旗總管既係調查閑荒報官放鑿借用川資自未便過爲拒絕茲經本總局酌核

借給銀幣三百元除由該旗總管出具承借印領在案備查外理合備文  
呈請都統鑒核備案謹呈

都統令抄發正紅旗官兵隨缺游牧並原定章程文

(原案附)五年四月十八日

據正紅旗總管呈稱前奉令開仰將從前欽差大臣貽穀撥給各旗官兵隨缺田地牧場游牧頃畝數目原定章程應卽查明呈報以便令發墾務局遵辦其正紅鑲紅旗業將隨缺地牧場游牧細數四至繪圖貼說造冊具報前來毋庸再行具報等因奉此遵查檔案光緒二十九年三月十八日奉欽差督辦墾務大臣兵部侍郎貽察哈爾都統副都統會札內開查本欽差大臣都統副都統籌辦察哈爾左右兩翼墾務當經先後奏明撥留各蒙旗公共牧場並官弁兵丁等隨缺田地等因在案查現正開辦墾務之際所有各旗荒地熟田均已派員一律分勘丈量此項牧地缺地亦應核定章程分令撥留惟各佐官弁兵丁詳細數目並各佐未墾之地若干

屢令該旗尙未查明呈報不得不先行分別估計酌定其世襲各員應照雙城堡烏魯木齊兩處辦法母庸給予產田並左翼四旗各佐官兵等現無數目難以約計田地俟呈報核定時再行札飭該局旗遵行外應將撥給察哈爾左右翼八旗牧場缺地擬定章程粘單札到該旗迅速會同該局卽將牧地缺地按照現定大概數目先行撥留先儘所墾之地丈放母得延緩俟由八旗將官弁兵丁詳細數目並未墾之地若干呈報到時核定確數具奏奉旨後再行飭知敬謹遵辦等因札到在案又於二十九年九月十六日接奉撥給察哈爾八旗各官兵等缺地牧場游牧按照烏魯木齊成案擬定章程粘單札開本都統副都統前因察哈爾左右翼墾務現正暢辦之時當將各旗應留牧地缺地各項酌定大概數目先行通令遵行辦理在案現各局清丈將次完竣約計所得地畝數目並各旗大小佐若干及每佐大小官弁兵丁若干亦由各該旗呈報前來自應詳加查

核擬定章程業於本年八月二十日具奏奉硃批著照所請該衙門知道欽此欽遵除將原奏抄札各局查照外查此次奏定牧場缺地各項新章較前次札飭略有增加合亟再行札飭一俟札到該旗卽行敬謹遵辦等因奉此遵將額設各官兵旗佐缺地牧場游牧頃畝數目並原定章程照抄蓋用總管印信一併呈報都署懇請轉移鑿務總局備查外其額設官兵旗佐隨缺田地數目及旗佐牧場游牧數目四至形勢繪圖貼說留填漢字空造具清冊前已呈報合併陳明附抄原案等情據此查此案前據該局呈請飭送當經批示並令行遵送在案茲據前情除批示外合將原案一扣抄發該局仰卽查核擬辦可也此令

附原案

粘單附

欽差督辦蒙旗鑿務理藩院尙書銜綏遠城將軍貽察哈爾都統奎副都統魁爲札飭事照得本大臣都統副都統等前因察哈爾左右兩翼

摺務現正暢辦之際當將各旗應留牧地缺地各項酌定大概數目先行通飭遵照辦理在案現在各局清丈將次完竣約略所得地數並每旗大小佐若干每佐大小官弁兵丁若干亦據各該旗具報前來自應詳加查核擬定章程業於本年八月二十日具奏奉硃批着照所請該衙門知道欽此欽遵除將原摺抄札各該局查照外查此次奏定牧場各項缺地新章較前次札飭略有加增合亟再行札飭一俟札到該旗卽行敬謹遵辦可也須至札者

附粘單

一留給公共牧場每整佐酌留十二頃半佐半中之半佐減給一半計每佐各六頃惟牧場與墾種之地不同不可分別良莠亦不拘定一處但擇水草合宜或附近蒙村截長補短按足數撥給如本佐之地業已墾竣或不足定給之數卽在旁近各佐另劃補給以免偏向並

俟兩翼地畝丈竣時其餘寒涼瘠劣不堪耕種之地在於何旗界內亦卽歸何旗留給

一留給隨缺田地按照吉林烏魯木齊奏給缺地成案酌量稍有增加總管每員給地八百畝正參領每員給地六百畝副參領每員給地五百畝整佐領每員給地四百畝半佐半中之半佐領每員給地三百畝滿蒙理刑官每員給地二百五十畝總管以下整佐前鋒校每員給地二百五十畝筆帖式及額設捕盜官每員給地二百畝半佐半中之半佐領下前鋒校護軍校每員給地二百畝筆帖式及額設捕盜官每員給地一百五十畝各佐額設兵丁有大小錢糧之別今留給缺地亦應分別辦理馬兵每名給地一百畝步兵每名給地六十畝各捕盜兵如係額設者每名亦給地六十畝非額設者不在此

例

一各佐官兵缺地應由各本佐劃留但以此內地業已私自放竣無地  
可給者倘由別佐補給則有餘地之佐反給人地以致公司放地減  
少若許卽該佐少得若干四分費之利無地者早得資賣之價且又  
同享養贍之地綜觀層次殊非公平不得不量爲裁減稍爲科罰此  
項無地之佐按照現定應給各項缺地數目減半補給並將有地之  
佐先儘本佐官兵缺地牧場留給完竣時再將所餘之地分撥以免  
客擾奪主之嫌如備撥之地仍不足由升科四釐項下抵補按每畝  
應給若干照正賦一分四釐核算倘地未放竣所餘之地不足原定  
缺地之數尙欠若干亦由另租項下減半抵補譬如尙欠十畝補給  
五畝之租餘額此於薄罰之中仍寓體恤之意

一撥給各項缺地以資該官兵等永久養贍將來生計全賴此焉若不  
預爲防範難免該官兵等復照前私賣撥留後應由察哈爾都統衙

門查照備案並由各該旗將撥留數目細冊送呈本大臣處蓋用關防札飭各旗存儲遇有官員遷調時將此項缺地列入交代項內毋稍含混再缺地撥給該官兵等或本人耕種或招佃分收均聽其自便但不得私行售賣無論官兵如有私行盜賣盜典以及長租未賣所買田地無有一經都統衙門查出或經別覺官則參處兵則斥革其私賣之人亦同私買者一併懲辦並將原地追出歸旗如此嚴爲防範俾可永久遵守

一公共牧地並隨缺田地施惠蒙旗不爲不厚業由本大臣奏請恩施免其押荒升科

一世職官一項襲階不等多寡無定原不計缺未便一律給予產田應俟墾務辦竣於各該旗應得四分辦公費如有餘存每旗若干兩由墾務局就近移交地方官發商生息將按年所得息銀由地方官查

取該旗世職官員數目並孤寡蒙人戶數若干均勻給予作爲帮貼  
以後人數加增亦但以此項分給

一召廟祀田務須確查舊有頃畝若干有無別項糾葛由公局辦清仍  
給原業惟勘丈臨時需費應照章交一半押荒以資公用再升科業  
經奏請豁免所有年年租項俾資養贍查凡勅建召廟均有舊祀田  
產自可毋庸再行撥給如無祀田召廟體查情形應酌給田地者隨  
時呈明辦理

一另行劃留之地比照軍政操練教場各地隨時體查情形呈明辦理  
一總管印房係閭旗辦公聚處參領理刑官及各該佐派出當差弁兵  
等亦在此居住且每年合操兵丁均集教場亦應寬留核計長二里  
即可足敷但地方形勢不同恐其有碍莫若核定畝數所有總管衙  
門及參領佐領理刑官住居共留地十五頃以作操練場並弁兵等

### 支搭帳房之用

一總管印房當差弁兵既多且領餉會操人馬亦夥必須需用牧地茲除本佐公共牧場外再給十頃作爲總管各官並當差弁兵等牧場其地先儘山坡低窪不堪耕種之地撥給

一小臺站等處除哈克諾爾各臺仍照舊案辦理其餘每臺各給地三十頃由公司放墾俟升科時每畝收取水草銀一分二釐共計銀三十六兩由臺站弁兵前赴地方官署領取倘該臺附近周圍地畝業已放竣卽由臺站四面地方劃撥三十頃令原種地戶照交水草銀一分二釐其四釐另租概行免納

墾務總局公函軍臺參領頭臺三臺經由本總局承領之地應給恤銀卽由本總局發照文

五年五月三日

前准貴參領咨稱本屬頭臺委章京波拉瑪等呈報本臺內有民蒙已交

荒價領過部照之地七十餘頃懇請轉咨大局發給領有部照民蒙地畝  
恤銀等情相應咨呈查核照數發給等因正核辦間復准貴參領咨開本  
屬三臺由民蒙交過押荒領取部照地一百七十餘頃請卽發給該臺章  
京等恤蒙銀兩等因先後到局查貴屬頭臺經本總局所放地畝計發部  
照者三十七頃零九畝所有應發恤銀自應由本總局按照發給其餘地  
畝係由前局經放應撥恤銀前局長因案撤差未將此項收欵列入交代  
本總局無從墊付應請貴參領分令頭臺三臺各章京等卽行查照可也  
此致

舉務總局指令張北舉務局據呈請發和親王府四成優欵文

五年五月

五日

呈悉和親王府應領劈欵准由該舉務局遵章將應劈數目呈由本總局  
核准卽由該舉務局立卽核發但發欵辦法須除去丈費火耗照費註冊

費等項專就現在實收地價核算付給亦不得以未收民欠混同列入致受賠累如有續收之欵亦應續呈候核令發合併令知此令

鑿務總局指令沽源鑿務局呈發給各王公旗羣優待款項文

五年五月

五日

呈悉查本局新章發給優待款項以王公牧場爲主若係承襲他項世職確係私有廠地自行舉報者雖非王公亦得領取優款至發給恤蒙銀兩係除民地餘荒夾荒以外確係新荒而又爲旗羣台站所屬且由該主管官長呈報丈放者始得核發至發給優恤兩款時必須核明該業主或主管官所報地畝內實收荒銀除去丈費火耗照費註冊費以外專就實收地價計算給領以昭核實該局所列表冊核與前項辦法微有不合應即查照簽註各條逐一修正補報備核并轉咨沽源縣知事知照表冊二本發還此令

都統令據扎薩克達喇嘛函稱章嘉呼圖克圖屬廟荒地請令發執

照文

(清單附)五年五月二十六日

據扎薩克達喇嘛巴彥濟爾噶勒函開敘師章嘉呼圖克圖屬廟法輪寺坐落鑲黃旗牛羣地方向有各王公施捨之荒地數十頃未行領契當清丈地畝之際自應遵章請領契據爲祈關垂令局頒給以便管業是爲至要茲將各地段開具清單呈請鑒核附地畝清單一紙等情前來合報抄粘清單令發該總局仰卽查照辦理可也此令

附清單

謹將嵩祝寺大國師屬廟法輪寺所有香燈地畝逐段詳細開列於左

計開

法輪寺有地一段計二十三頃五十畝坐落在廟西界東至山分水西至壕塹南至大道北至山分水

又本寺有地一段計地十頃坐落在廟前東至壕前西至諾爾南至諾爾北至左翼牧羣鑲黃旗地

又有地一段計地十一頃東至旗地界南至卜落素廟界西至本寺界北至太僕寺界

又有地一段坐落在本廟前計地十頃有餘東至左翼牧羣鑲黃旗南至諾爾西至本廟地北至山分水

又本廟有地一段計十六頃五十畝東至壕塹南至壕塹北至河渠大道

以上所有地畝均在小廟子口北道張理廳地方

察罕托羅蓋軍臺參領請領頭臺恤銀文

五年六月十二日

茲奉總局令開頭臺已放之交納押荒領給部照地畝十二頃六畝恤蒙銀合洋一百六十一元八角八分仰卽具領核發等因奉此本參領遵照

局令備具漢領收據各一紙蓋用關防請領此頃十二項六畝地之恤蒙  
銀元一百六十一元八角八分理合備具公文咨請核發施行此咨

摺務總局指令張北摺務局呈請給和碩王府劈欵八百元文

五  
月  
年

二日

呈悉准其取具該府印領照章劈發仍將發給日期呈報轉呈都署備查  
此令

摺務總局指令察罕托羅蓋軍臺參領准領恤銀文

五  
年  
七  
月  
三  
日

據該參領呈報五臺章京綽克疇普呈請發給恤銀等情查本總局自四  
年五月改組以後所放五臺荒地計共三十五頃五十畝遵照定章按等  
折合應予恤銀四百三十七元二角五分但本局現在墊借各欵甚多准  
先給予二百元其餘另案再行補給仰該參領卽具二百元印領一紙呈  
送前來照數領訖可也此令

鑿務總局令沽源縣知事局長據鑲紅旗總管呈請撥給學堂餘地或撥還生息銀兩等情仰卽會同查復文

五年七月二十日

據鑲紅旗總管孟都巴雅爾呈稱據參領兼公中佐領額色爾古驛賚副參領兼世管佐領巴特瑪嘎拉巴等呈稱據本旗一等子爵圖噶孟克等各世襲官呈稱前清光緒三十一年本右翼游牧地方經欽差大臣貽派委勘丈撥給旗佐官兵等隨缺田地下餘之地押荒升科惟本各世襲官並未撥給隨缺經欽差大臣都統憐恤具奏恩施右翼四旗每旗各予銀一千兩發交近廳由各廳發商生息將此項生息銀兩分給各世襲等官俾得補益生計等因在案其三旗均各由廳連本利領到惟本旗世襲各官銀一千兩交甯遠廳生息世襲官等屢年呈請發放節經本旗咨行涼城縣乃竟推託前任廳官丁英年挪用尙未發給當經本旗呈報鈞署奉批候令涼城縣查卷具報再行核辦等因在案本旗頭佐涼城縣學堂所

收地畝現經墾務局派員勘丈該地從前由本旗頭佐地內撥給學堂五十畝約有一百餘頃請將該學堂五十畝地丈出所有餘地懇恩給予本世職等作爲度命生產等情據此查從前撥給本旗世職等生計銀一千兩涼城縣藉稱前任廳官丁英年挪用並未發給現已十有餘年連本帶利計算至有三千餘兩此項銀兩若不發給則該世職各官無法度命且係前奉欽差大臣都統憐恤具奏恩施撥給之銀而涼城縣藉詞推諉不給理合據情呈請鈞局令行涼城墾務局現旣派委員查丈本旗頭佐涼城縣學堂所收之地祈由頭佐所給學堂餘地撥給以抵前欵抑或連本帶利撥給以免該世職等度命維艱實爲恩便等情除指令呈悉仰候令知涼城縣局查案具報再行核辦此令印發外合諭令仰該局長知事迅卽會同知事局長將此案始末詳細切實查明呈復以憑核辦勿延此令

墾務總局令軍臺參領請領四臺恤銀准給文

五 年 七 月 二 十 日

據該參領呈報四臺章京綽克圖等呈請發給恤銀等情查本總局自四年五月改組後所放四臺荒地計上則三頃五十畝中期八頃二十五畝九分下則一十三頃七十四畝九分遵照定章按等折合應給恤銀三百二十八元九角八分四釐本總局現在墾借各款甚多該項恤銀准先給予一百七十八元九角八分四釐其餘再行另案補給仰該參領卽具印領一紙呈送前來照數領訖此令

鑲紅旗總管呈爲廟北山峯丈出餘夾荒可否按照舊案發給工本地價並由該局收租文

五年七月二十一日

據參領兼公中佐領額色爾古驂賚副參領兼世管佐領巴特瑪嘎拉巴等呈稱據署理本旗彙祥寺圖記得木奇莫洛木札木蘇報稱查本廟地畝前經欽差大臣貽璽務局派員查勘將廟北山峯餘留作爲柴薪並牧放牲畜牧場其堪耕種之地丈量放給民人押荒銀兩由璽務局收取辦

給工本地價由該廟按畝收租有案今於四月間墾務局委員永前來令將前次本廟收租辦給之地勘丈等因當經分別辦理亦請收租具稟委員台前本喇嘛等奉令先將所屬小壩子地畝丈量當將此小壩子地畝丈量餘出十餘頃因此出給農民童治壽押荒條因思該廟租錢修廟工本地價銀兩虧損若令農民等承領部照升科則該廟虧損更鉅且廟之南面地畝尙未丈量請將此項地畝丈量餘出之地按照從前辦過舊案發給工本地價亦由該廟收租以備補修廟宇坍塌並按時念經之用實爲恩便等情前來查從前辦理此廟地畝時將該廟北山峯餘留作爲喇嘛徒衆等柴薪並牧放牲畜牧場其堪耕種之地由墾務局收取押荒辦給工本地價以便修理該廟塌毀由該廟按畝收租以作按時念經之用此廟另無生產涼城墾務局此次丈辦該廟餘出來荒地畝可否照舊案辦理之處應由雙方請示外此項廟地可否按照舊案辦理由該廟收租

之處理合呈請鈞局指示遵辦謹呈

摺務總局指令鑲紅旗總管呈爲廟北山峯丈出餘夾荒可否按照

舊案發給工本地價並由該局收租文

五年七月二十一日

呈悉仰涼城縣局查復再行核奪令遵此令

摺務總局呈都統擬覆兩翼牧場圈佔地畝無庸另行劃分擬酌給

恤蒙銀兩以示體恤而昭公允文

五年七月二十七日

案奉鈞令案查接管卷內據管理三旗達哩崗崖牛羊羣總管卓特巴扎普呈稱案查陸軍部兩翼牧羣前查勘其游牧繪圖設立石誌圈佔本屬正白牛羊羣游牧南界及鑲黃牛羊羣新撥游牧南界當由本處呈請查斷蒙都統咨行陸軍部准覆稱俟兩翼牧場場長到任由雙方派員劃分等因在案迄今二年有餘仍行遲延且疊次呈請迅卽劃分而該羣至今含混遲誤理合再行備文呈報懇祈迅速令催並一面令行現在勘丈兩翼

牧場游牧委員等按照舊圖查勘劃斷以免彼得我失伏乞鑒核施行等情據此查此項圈佔地界應如何劃分之處合亟令仰該總辦統籌全局酌擬辦法具報以憑核辦切切此令等因奉此查兩翼牧場界址原係陸軍部派員劃勘是否圈佔正白及鑲黃牛羊羣游牧界址本總局尙無成案可稽查兩翼牧場係國家軍牧要政當日部派專員劃界擴充範圍侵佔羣地事或有之卽徵諸人言亦多侵越之說惟該翼牧羣地段均係國家公產屬此屬彼似無庸長此爭執况現時察區推廣軍牧留地不宜過狹則此項圈佔地界更無另行劃分之必要惟該正白鑲黃牛羊羣游牧地界從前既被圈佔事後又未能劃還準情度理甯得謂平可否令知牧場酌給恤蒙銀數百元至多或千元以示體恤而昭公允之處伏候鈞裁所有擬覆兩翼牧場圈佔地界無庸另行劃分並擬酌給恤蒙銀元緣由是否有當理合呈請都統鑒核示遵謹呈

摺務總局指令張北摺務局呈報請發和親王府優欵六百元文  
年五

七月二十七日

呈悉准予彙案轉呈此令

都統指令擬覆兩翼牧場圈佔地畝無庸另行劃分擬酌給恤蒙銀  
兩以示體恤而昭公允文

五年八月三日

據呈擬覆酌給恤蒙銀兩辦法尙屬平允仰候令行兩翼牧羣總管會同  
議定數目呈覆到署再行核奪令遵此令

摺務總局呈都統爲察罕托羅蓋參領咨具漢領請發給四台五台  
恤蒙銀兩照章發給文

五年八月十九日

竊本總局經放各台荒地所有應給恤蒙銀兩節經各該台章京呈請察  
罕托羅蓋軍台參領轉請核發並次第呈報鈞署在案茲據管理察罕托  
羅蓋軍台參領巴圖鄂奇爾先後咨呈請給四五兩台已放地畝應給恤

銀前來業由本總局照章發給四台恤蒙銀洋一百七十八元九毛八分  
四釐五台恤蒙銀洋二百元整除取具該參領漢文印領二紙存局備查  
外理合具文呈報都統鑒核備案謹呈

墾務總局呈都統據兩翼牧場清丈行局呈爲兩翼總管咨請發給  
私租銀兩可否照給文

五年八月二十日

案據兩翼牧場清丈行局局長林茂亭呈稱案准兩翼總管咨開查向章  
察哈爾各旗羣牧場放墾之地每畝有私租銀四釐每畝有恤蒙銀三分  
應俟兩翼牧場劃分內界清丈事竣後放墾之地每翼共有若干頃畝卽  
請按照畝數給發每翼恤蒙銀並請呈報咨行立案歷年按畝數照章發  
給兩翼牧羣私租銀兩爲此合咨貴局請煩查照立案施行等因准此查  
此項私租可否照發職局未能擅專理合據情備文轉請鑒核示遵等情  
前來據此查兩翼牧場之地可否援照本區開放各旗羣牧場定章給予

私租恤蒙之處理合備文呈請都統鑒核示遵謹呈

墾務總局指令察罕托羅蓋參領咨請發給六台恤蒙銀兩文

五年八月

二十一日

據該參領咨呈據所屬六台章京剛鄂察爾等呈請發給恤銀等情查本  
總局自四年五月改組後所放六台荒地計共下則地九十三頃應准先  
給予三百元其餘之數候另案核算補給仰該參領卽具印領一紙送局  
以憑照數給領此令

都統指令據兩翼牧場清丈行局呈爲兩翼總管咨請發給私租銀  
兩可否照給文

五年八月二十七日

呈悉查本區開放各旗羣牧場定章有給予私租暨恤蒙銀兩之條文該  
兩翼牧場放墾田畝事同一律應准援案發給仰卽轉令該局遵照辦理  
此令

墾務總局呈都統爲兩翼牧場放墾地畝暨准援案發給私租暨恤

蒙銀兩未便再照新章加給恤欵請鑒核令遵文

五年九月四日

案查本總局呈爲兩翼放墾地畝可否援照開放各旗羣牧場定章給予私租暨恤蒙銀兩一案奉指令呈悉本區開放各旗羣牧場定章有給予私租暨恤蒙銀兩之條文該兩翼牧場放墾田畝事同一律應准援案發給仰卽轉令該局遵照辦理此令等因奉此自應遵照辦理惟查本總局放墾新章開放旗羣台站每地一畝除照舊提給四分恤蒙銀兩外加恤各旗羣下地每畝四分中地五分上地六分原爲體恤蒙艱並獎勸各該旗羣台站起見兩翼牧場係屬國家軍牧官產與其他旗羣台站地畝爲本區公產者稍有不同既奉令援案每墾地一畝發給恤蒙銀四分俟升科年限照章隨徵四釐私租未便再照新章按上中下地畝等則加給恤欵所有兩翼牧場放墾地畝擬照舊章每畝給予恤銀四分未便再照新

章加給恤欵緣由是否有當理合呈請都統鑒核如蒙令准卽由本總局轉令該局遵照辦理謹呈

鑒務總局呈都統爲發給六台恤蒙銀兩請予備案文

日五 年九月八

竊本總局經放各台荒地所有應給恤蒙銀兩節經各台章京呈由察罕托羅蓋軍台參領轉請核發並次第呈報鈞署在案茲據管理察罕托羅蓋軍台參領巴圖鄂奇爾咨呈請給六台已放地畝應給恤銀前來業由本總局發給恤蒙洋三百元整除取具該參領漢文印領一紙存局備查外理合具文呈報都統鑒核備案謹呈

鑒務總局令多倫縣局知事會同詳查德公府差養地畝妥擬辦法文

五年九月十日

案奉都統訓令內開據鎮國公鑲白旗漢軍副都統德茂呈稱敵府適准多倫縣暨多倫鑒務局咨開該府牧廠地是否上賞有無龍票冊據以及

四至概數其牧丁開墾之地僅由該府發給執照未足以爲憑信該廠地  
牧丁據稱開墾一百四十四頃究竟是否僅開此數抑此外猶有盜墾情  
事卽日聲覆等因前來茲查敝府原有上賞牧廠一段坐落多倫境內南  
北長約七十餘里東西寬窄相錯平勻約計寬三十餘里業經於前清光  
緒二十四年內遵照前直隸總督李鴻章奏定章程報明戶部遵章開墾  
旋經戶部札行直督轉行察哈爾都統熱河都統多倫廳暨藍旗各派委  
員眼同敝府差委照圖指明邊界遵章開墾各公署已將圖冊存卷備查  
在案茲因敝府牧丁游牧各地係遵前墾務大臣貽穀奏章內除報明開  
墾外准其各府養放牲畜以示恤藩之意是以敝府除報明遵章開墾外  
所留敝府牧廠多係荒沙不毛不足供養牧畜之用因此牧丁來府報告  
不得不變通辦法祇可在牧廠以內諭令牧丁零星播種草類以補牲畜  
養贍之不足惟恐牧丁違章招佃私墾發給各牧丁當差執據以防藉端

舞弊實無招佃私墾情事今經多倫縣暨多倫墾務局行查除將以前各緣由聲復該縣及墾務局外理合仰懇都統轉行令知前卷有所稽考敝府仍派張綺書陳銳等前往牧廠詳查敝府牧丁等是否有無舞弊等項情事一俟查清再行據情聲明等情前來除指令呈悉候令墾務總局查案辦理仰卽知照此令印發外合諎令仰該總局卽便查照辦理可也此令等因奉此查此案前據該局呈報當由本總局指令該局會同該縣知事照所列各款詳查具覆在案乃爲時既久未據該縣局查覆茲奉前因合再令仰該縣局會同迅速詳查並遵照定章妥擬辦法呈覆候核仰卽遵照勿延此令

墾務總局令兩翼牧場清丈行局爲兩翼牧場放墾地畝旣准援案發給私租暨恤蒙銀兩未便再照新章加給恤欵仰該局遵照辦

理轉咨兩翼牧羣文呈文附五年九月二十二日

案查本總局爲兩翼牧場放墾地畝既准援案發給私租暨恤蒙銀兩未便再照新章加給恤欵呈請都統鑒核示遵一案奉都署第七十六號指令呈悉准如所擬辦理仰卽轉令遵照可也此令等因奉此令並抄錄原呈仰該局遵照辦理並由該局轉知兩翼牧羣總管知照此令

附呈文

案查本總局呈爲兩翼放墾地畝可否援照開放各旗羣牧場定章給予私租暨恤蒙銀兩一案奉鈞署第二千七百二十二號指令開呈悉本區開放各旗羣牧場定章有給予私租暨恤蒙銀兩之條文該兩翼牧場放墾田畝事同一律應准援案發給仰卽轉令該局遵照辦理此令等因奉此自應遵照辦理惟查本總局放墾新章開放旗羣台站每地一畝除照舊提給四分恤蒙銀兩外加恤各該旗羣下地每畝四分中地五分上地六分原爲體恤蒙艱並獎勸各該旗羣台站起見兩翼

牧場係屬國家軍牧官產與其他旗羣台站地畝爲本區公產者稍有不同既奉令援案每墾地一畝發給恤蒙銀兩四分俟升科年限照章隨徵四釐私租未便再照新章按上中下地畝等則加給恤款所有兩翼牧場放墾地畝擬照舊章每畝給予恤銀四分未便再照新章加給恤款緣由是否有當理合呈請都統鑒核如蒙令准卽由本總局轉令該局遵照辦理謹呈

墾務總局令陶林墾務局據鑲藍旗總管呈稱該佐親兵孟克巴雅爾等冒領隨缺地等情詳細查明具覆文

五年九月二十二日

案奉都統訓令據署鑲藍旗總管多普端呈稱據兼署參領關防副參領阿凌阿呈據本旗察哈爾佐領格哩克札木蘇報稱據本佐署理驍騎校事務前鋒特固斯們都護軍格爾迪達那什勒哈勒津領催貢格各兵丁等呈稱去年經陶林墾務局將本佐餘地丈量二十餘頃押荒升科領訖

現有本旗參領隨缺田地六頃蒙古員外郎隨缺田地二頃五十畝本佐官兵隨缺田地六十五頃本不足數乃有本佐親軍孟克巴雅爾於本年陰曆二月間倚仗己勢惟利是圖妄報墾務局員冒交押荒領照卑窮兵等安分當差現遇時事艱難又自去年屢被馬賊搶刦服物馬匹等件困苦已達極點而此等有勢力之親軍孟克巴雅爾竟自押荒領照連官兵等熟田地一併強行奪領以致卑窮兵等實在無法度命理合呈乞轉報務使隨缺田地懇請體恤辦理等情正在呈報間據本佐護軍校色德巴勒聲稱於陰曆六月一日又有本佐護軍圖都普僧格領催恩克們都等冒報陶林墾務局員將烏蘭哈雅隣村之地直至那爾蘇太六頃餘地押荒領照等情伏查除本佐官兵等隨缺田地並旗下大職兩員隨缺田地外其餘荒地於去年冬間經墾務局員丈出地二十餘頃令交押荒之處業經行文本旗傳令在案今倚仗勢力之兵孟克巴雅爾等私行冒報有

碍官兵隨缺田地徑行領照殊與定章不合呈請轉行鈞署墾局查明辦理等情理合呈報都署伏祈嚴行批令陶林墾務局遵照定章呈明辦理等情據此除指令外合亟令行該總局仰卽轉令陶林墾務局遵照文內各節詳細查明辦理勿任冒領缺地致滋糾葛並將辦理情形具報備案可也此令等因奉此合亟令仰該局遵照文內各節詳細查明遵章辦理勿任冒領缺地致滋糾葛並迅將辦理情形據實呈覆以便轉呈切切勿延此令

墾務總局令沽源墾務局據佐領榮貴等呈請續發優待劈欵文

五年

九月二十七日

案據京鑲黃旗蒙古世管佐領榮貴等呈稱竊職等前在貴總局請領優欵一節當奉批示已據情令知主管衙門照章辦理矣仰卽前赴沽源墾務局接洽可也此批職遵奉批示卽赴沽源墾務局請領四成劈欵該墾

務局已呈請先發勞欵一千元當蒙貴總局批准發給於六月六日在舉務局照數收領現已數月未能續發職等在沾守候三年之久生計異常困難旅費不濟日不聊生前領之欵實不敷歸還各債十分之一目下各債催討欠欵逼迫當赴墾務局請領發給勞欵該墾務局至今並不賞發再職等馬廠地價早已收齊十分之九職等勞欵不知何日賞發全數現今被債所逼晝夜焦思惟有仰懇總辦俯加憫恤令行該墾務局速將職等馬廠應得四成勞欵截算賞發給領俾職等得沾仁澤則職實感恩無極矣等情前來除批呈悉查該佐領等所有已放馬廠應得優待恤欵業由該主管縣局先行發給一千元由該佐領等具領在案據呈前情已令行該管縣局查明實在收到地價若干查照原案照章辦理應由榮貴逕赴該局聽候核明發給不准委託代表以致復生糾葛此批掛發外合亟令仰該局仍卽查照本總局本年五月第一千四百十九號令文指示各

節核實辦理並將辦理情形具報此令

摺務總局批榮貴代表劉丹池呈請續領四成劈歛銀兩文

五年二月十九

七日

呈悉查該佐領等所有已放馬廠應得優待恤業由該主管縣局先行發給一千元由該佐領等具領在案據呈前情已令行該管縣局查明實在收到地價若干查照原案照章辦理應由榮貴逕赴該局聽候核明發給不准委託代表以免復生糾葛此批

摺務總局令沽源摺務局據希璋代表張堯卿稟請發給優待歛項等情仰卽照章辦理文

五年十月二日

案據一等義烈公希璋代理人張堯卿等稟稱竊本府前於民國四年秋間稟請派員勘丈沽源縣境內黑土窪各牌地畝五百餘頃嗣因白文明詐欺之案發生交涉累月於本年二月蒙沽源縣缺席判結判云黑土窪

務局已呈請先發勞欵一千元當蒙貴總局批准發給於六月六日在舉務局照數收領現已數月未能續發職等在沾守候三年之久生計異常困難旅費不濟日不聊生前領之欵實不敷歸還各債十分之一目下各債催討欠欵逼迫當赴墾務局請領發給勞欵該墾務局至今並不賞發再職等馬廠地價早已收齊十分之九職等勞欵不知何日賞發全數現今被債所逼晝夜焦思惟有仰懇總辦俯加憫恤令行該墾務局速將職等馬廠應得四成勞欵截算賞發給領俾職等得沾仁澤則職實感恩無極矣等情前來除批呈悉查該佐領等所有已放馬廠應得優待恤欵業由該主管縣局先行發給一千元由該佐領等具領在案據呈前情已令行該管縣局查明實在收到地價若干查照原案照章辦理應由榮貴逕赴該局聽候核明發給不准委託代表以致復生糾葛此批掛發外合亟令仰該局仍卽查照本總局本年五月第一千四百十九號令文指示各

五日

案據正黃旗總管巴彥孟克呈稱查前經東路鑿務大臣貽放地時撥給本旗各佐廟寺香燈地當經發給鑿務大臣關防執照惟北界六佐公立之阿圭卽善福寺則當時周圍地畝未放是以尙未發給香燈地之執照此次總管兼調查員由六佐撥給該善福寺香燈地共五十頃當經繪圖立界請由局照前發給關防香燈地之執照以作憑據以期與各廟一律等情並據該總管呈驗前鑿務大臣發給該旗霍素巴勒格素廟地執照一紙查該執照內載每地一畝應交押荒銀一錢五分該總管卽請按照此案撥給善福寺香燈地五十頃每地一畝照繳荒銀一錢五分查廟寺香燈爲蒙旗習慣所崇尚上年開放羊羣時經前都統何給予小廟子香火地三十頃並未收價分釐原所以示優待而從蒙俗該總管所請按照前案每畝繳價一錢五分請給善福寺香燈地五十頃之處準情度理事

屬可行自應准予通融用示優待惟事關減少價額撥給廟寺香燈地畝本總局未便擅專理合具文呈請都統鑒核指令祇遵謹呈

墾務總局呈都統據多倫縣知事局長呈稱會擬德公府牧廠荒地  
牧丁差地養贍香火地各辦法呈請令遵文

五年十月二十四日

案據多倫縣知事王鳳英墾務局局長黃履元會銜呈稱竊職局前爲呈覆澈查德公府收租差養各地恭請核辦一案奉令呈悉查私放盜賣疊奉明令禁止此項德公府廠地應由該局會同知事照左列各款再行詳查具復仰卽查照轉咨該知事知照此令等因奉此局長除咨行知事查照外當卽會銜諮詢德公府在案嗣於本年九月十四日准正藍旗第六族鎮國公鑲白旗漢軍副都統德咨開准貴局咨開各條廠府牧廠地是否上賞有無龍票冊據以及四至概數其牧丁開墾之地僅有廠府發給執照未足以爲憑信除牧丁開墾一百四十四頃外猶有盜墾情事否卽

日聲覆等因前來茲查敵府原有上賞牧廠一段坐落多倫諾爾境內東至敦達苦地方南至哥力毛籐各妥力西至花旦溝口北至哈那哈他南北長約七十餘里東西寬窄相錯平均約計寬三十餘里業經於前清光緒二十四年內遵照前直隸總督李鴻章奏明章程報明戶部遵章開墾旋經戶部札行直督轉行察哈爾都統熱河都統多倫廳及藍旗各派委員眼同府員照圖指明邊界照章開墾各公署已將圖冊存卷備查在案敵府牧丁游牧各地係遵前墾務大臣貽穀奏准除報明開墾外准其各府養放牲畜以示恤藩之意是以敵府除報開墾外所留牧廠多係荒沙不毛不堪牧養牲畜之用因此牧丁來府報告不得不變通辦法祇可在牧廠以內諭令牧丁零星播種草類以補牲畜養贍之不足惟恐牧丁違章招佃私墾發給各牧丁當差執據以防弊端實無招佃私墾情事今奉行查除將以前各緣由呈覆外敵府仍派委張綺書陳銳等前往敵府牧

廠詳細清查該丁等是否有無舞弊情事一俟查清再行據情聲明爲此  
咨覆等因到局旋於九月十七日奉鈞局令開案奉都署令開據鎮國公  
正白旗漢軍副都統德茂呈稱除同前因外尾開查此案前據該府呈報  
當由本總局批示該局會同該縣知事照所列各款詳查具復在案乃爲  
時既久未據該縣局查覆茲奉前因合再令仰該縣局會同迅速詳查並  
遵照定章妥擬辦法呈覆候核仰卽遵照勿延此令等因奉此局長遵於  
本年九月二十二日親赴德公府牧廠實地調查該府所留廠地東起茶  
棚圓山西與兩翼牧廠毗連南至馬羣後溝北與兩倉香火地連界東西  
狹長二十餘里南北寬三里五里不等估計該廠面積約在三百頃左右  
除已開墾種之地外其餘可放荒地無多又查該牧丁當差二百餘年戶  
口蕃衍現在男女丁口統計一百五十餘人生齒日繁生計頗形艱窘祇  
恃該府給與差養各地以爲生活局長查竣後卽會同知事妥擬辦法請

示遵行適據鎮國公鑲白旗漢軍副都統德派委張綺書陳銳面呈該府公函開敝府前留廠地五百頃係每畝按三百四十弓計算今按每畝三百六十弓折扣原係地約三百餘頃之譜前報已開之地一百四十四頃現折扣實有百頃之數除牧丁差地四十頃養贍地四十頃暨敖包香火地二十頃外其餘多係荒山石磽水溝不毛之地實難播種其中稍可開墾之地約在二三十頃左右懇祈貴局派員清查照章丈放至敝府所有牧丁差地養贍地係牧丁等生活所關敖包香火地係一方虔誠致祭之用均懇給與牧丁免交地價遵繳丈費照冊費並懇一律發給部照管業以便升科而納國課再敝府廠地有二等泉地一段被兩翼牧廠侵佔強栽界石仰懇貴局照圖劃明界限免生謬轄是爲至感此致等因准此查該府函稱各節與局長調查情形尙屬相符惟給與牧丁差地四十頃養贍地四十頃暨敖包香火地二十頃僅納丈費照冊費概請免收地價一

節是否可行知事局長未敢擅專如蒙逾格允准職局卽派委勘丈員實地施丈除撥給該廠牧丁差地養贍地暨敖包香火地一百頃外其餘可墾荒地遵照墾務章程一律招墾開放並劈給該府四成地價以符優待王公條例至該府廠地牧丁應領之部照擬另刻奉令給與牧丁免收地價字樣戳記加蓋照面以資區別所有遵令謹擬德公府牧廠荒地牧丁差地養贍地暨敖包香火地辦法各緣由理合具文呈請總辦鑒核令遵再該府廠地坐落二等泉東首計地兩頃左右實由兩翼牧場清丈行局清丈時圈入仍請將該地劃歸該廠以昭平允合併陳明等情據此查該局所稱據該德公府擬請給與牧丁差地四十頃養贍地四十頃暨敖包香火地二十頃僅納丈費火耗等費概請免收地價發給部照管業雖係爲優待蒙古王公起見究係變通成例可否照准應請示遵至所稱該府二等泉廠地一段被兩翼牧廠誤行圈入擬請仍將該地劃歸該廠一節

亦應呈請都統鑒核令遵再行轉令遵照理合呈請都統鑒核施行謹呈

都統令據商都左翼驃馬羣翼長呈稱懇將水草線放給本羣等情

仰局迅予辦理文

五年十月二十七日

案據商都左翼驃馬羣翼長色爾叶旺堆呈稱前奉總管令開奉都署令  
開據張北縣民人王福英等農民呈稱請開墾大馬羣烏納吉諾爾一帶  
地畝每畝報効該羣公費銀一錢二分等情當奉鈞署特派專員勘丈開  
墾並自圖固哩克起經過察罕諾爾花胡修直至連界之察哈爾正黃旗  
右翼蘇呢特放馬牧羣一帶長一百餘里寬數十里派員丈畢每畝水草  
銀四分給予該羣等因當蒙都統令行有案伏思本商都牧羣開墾丈過  
地若干畝每畝所得水草銀若干兩只總管一人專權並不與所屬衆人  
商議無憑查考難免所屬衆人嫌疑於八月十日備具公文請轉報王監  
場員八月十一日將呈文退回究竟本羣所得水草銀有發給之欵及未

發給之處本羣官員均不得知除將此項銀兩幾時放給之處請示外並有農民與奸人欺謠從中圖利侵蝕肥己之事難免轄轄應於事前詳慎卑翼長有管理一羣地方之責若作爲無事不管難免大衆咎責且於公聖不合謹據實聲明呈請都統鈞鑒轉令墾務局將本羣應得水草銀兩詳細究查並請賞發滿蒙文告示十一張以便張貼本羣五翼六廟等處再近年以來應領俸餉並未按季發給是以各牧長將牧羣放馬貧窮牧丁之餉各以己力預先借給以致公私交困伏乞體恤困苦懇將水草銀兩放給本羣以便倍加分給牧丁等情據此查前據商都牧羣總管呈請籌撥恤蒙銀兩一案當經指令並令行該總局查照辦理在案茲據前情除指令暨分行外合亟令仰該總局迅卽查核辦理可也此令

都統令據巴圖鄂奇爾呈稱本屬七台章京報稱台站地畝被人民越佔開墾差官兵衆難以放牧各節仰卽轉令查禁文

五年十一月一日

案據管理察汗托洛蓋軍臺參領巴圖鄂奇爾呈稱據本屬明愛七台章京依特新旺濟勒等報稱茲本章京接理七台章京新任查看台站當差情形台站地畝被民人越佔開墾以致地方狹窄當差官兵人等無游牧之地伏思支應台站差使緊要若無牧地則當差生活實屬可慮理合據情呈報伏祈明鑒等情前來查台地若被民人開墾無有草場則蒙人難以牧放牲畜生活當差理合呈請明鑒懇祈拯救辦理施行等情據此查台站牧地關係衆兵生計民戶越墾實屬有干例禁除指令外合行該總局仰卽遵照轉令商都招墾設治局迅速派員前往查禁是爲至要並將辦理情形呈報備查此令

墾務總局呈都統爲擬定處理鑲藍旗兵丁隨缺地畝辦法請鑒核

備案文 五年十一月九日

案據陶林墾務局呈稱案奉鈞局訓令內開案奉都署令開據署鑲藍旗

總管多普端呈稱據本旗察哈爾佐領下各兵丁等呈稱去年經陶林墾務局將本佐餘地丈量二十餘頃押荒升科訖現有本旗參領隨缺田地六頃蒙古員外郎隨缺田地二頃五十畝本佐官兵隨缺田地六十五頃本不足數乃有本佐親軍孟克巴雅爾於本年陰歷二月間妄報墾務局員冒交押荒領照兵等安分當差向以此項田地牧放爲生活現遇時事艱難餉銀不接屢經馬賊搶刦困苦已達極點而親軍孟克巴雅爾竟自押荒領照連官兵等熟田地一併強行奪領以致兵等實在無法度命理合呈請轉報務使不失度命隨缺田地懇請體恤辦理等情又於陰歷六月一日據本佐護軍圖都普僧格領催恩克們都等冒報陶林墾務局員將烏蘭哈雅鄰村之地直至那爾蘇太六頃餘地押荒領照等情查除本佐官兵等隨缺田地並旗下大職兩員隨缺田地外其餘荒地於去年冬間經墾務局員丈出地二十餘頃令交押荒業經行文本旗奉旗傳令在

案今孟克巴雅爾等私行冒報有碍官兵隨缺田地暗地鑽營徑行領照殊於定章不合理合據情呈報都署嚴行批令陶林翠務局遵照定章詳明辦理等情據此除指令外合亟令行該總局仰卽轉令陶林翠務局遵照文內各節詳細查明辦理勿任冒領缺地致滋糾葛並將辦理情形具報備案可也此令等因奉此令卽令仰該局遵照文內各節詳細查明遵章辦理勿任冒領缺地致滋糾葛並迅將辦理情形據實呈覆以便轉呈此令等因奉此查各縣丈放各旗隨缺地畝歷經遵章辦理職局前於七月上旬據鑲藍旗兵丁土不凍等稟請認領勿藍哈彥隨缺地畝等情當卽派員丈放並呈報鈞局在案至所稱孟克巴雅爾冒交押荒領照等語查孟克巴雅爾卽們扣在王前局長差內認領地畝亦繳價領照在案旋據該兵丁們扣稟稱查蒙民向以牧養牲畜爲生非有草地何能存立是以不惜微資自行承領將民村較近之荒地一段來局報名已蒙派員照

界清丈民卽遵章交清荒價填發部照領收在案忽經本旗特圪素們兜等稟控民認領荒地不合舉章已經木旗佐領格力圪掌木素呈准總管轉呈都統核辦民理官聽候奈該稟詞多捏飾且查該佐領前由總局認領荒地一段現已轉賣他人該驍騎校循情不告轉將民等繳價承領自行耕種之地捏辭專控惟有懇祈局長轉呈都統總局秉公剖斷等情又據該兵丁土不凍等稟稱民等召集本蘇木民戶二十六家公立六合堂於七月間具稟報明領地緣由蒙局長批准派員照界清丈共丈荒地六頃六十餘畝當經民等將欵交清填發部照在案忽經本蘇木護軍校色登巴拉捏辭稟控民等認領荒地不合舉章業經本蘇木佐領格力圪掌木素呈准本旗總管據情轉呈都統核辦民等理宜靜候奈該稟詞多捏飾伏乞轉呈都統並墾務總局俯念困窮就近按依民等旗下衆戶認領荒地一體科辦以杜後患等情到局茲奉前因復派員密訪各種情形查

勿藍哈彥地畝係二十餘家公墾縱卽隨缺地畝而以兵丁之缺地化作  
兵丁之公田上益國賦下利兵食正亦無害惟有一二不耕兵丁於己未  
便稍起爭議至們扣所領地畝已經王前局長呈報在案似此項地畝均  
已繳價領照應如何辦理之處職局未敢擅便理合呈請總辦鑒核施行  
等情據此除指令呈悉查各旗隨缺地畝准予劃留原爲厚恤蒙羣起見  
據呈孟克巴雅爾卽們扣認領地畝業經繳價領照而勿藍哈彥地畝係  
二十餘家公墾以兵丁之缺地化作兵丁之公田該旗隨缺地畝仍爲該  
旗兵丁承領未爲不可惟該少數兵丁等旣將該旗隨缺地畝概行承領  
管業而旗下餘衆卽無地自容未免向隅着將承領勿藍哈彥地畝及們  
扣承領地畝部照一併追回繳銷卽仰該局長會同縣知事咨會該旗總  
管勸導就近旗下兵丁將前項地畝勻分攤領勿令偏枯致滋糾紛並迅  
將辦理情形呈報備核仰卽遵照此令印發外所有擬定處理鑲藍旗兵

丁隨缺地畝辦法是否有當理合呈請都統鑒核令示祇遵謹呈

鑒務總局呈都統遵擬再墊發商都牧羣恤銀一千元請令該總管

交出前領二千元一併分給羣衆文

五年十一月十六日

案奉鈞令案據商都牧羣總管普爾佈札普呈稱竊於九月九日函請因本羣向無雜費之規定如有應需均在各商號借用此項借款由本羣俸餉內扣還近二年來此項俸餉至今未領支繙異常所借各債無從籌還去年劃與鑒務局一萬餘頃荒地所定條約下等地每畝抽給水草銀八分嗣後已領三千餘兩現今該荒一萬餘頃內不知已放出若干頃伏乞鑒核與鑒務局總辦籌議無論若何籌撥數千兩以濟本羣俾紓蒙困等情函請在案茲奉面諭前在鑒務總局所領各款詳細具報後再行核辦等因遵查各款一係去歲遷移羊羣需費五百兩在本羣所放地恤蒙銀內動支一係去歲八月間本羣巡兵困苦蒙前都統批行鑒務總局撥用

一千元一係鑿務總局派勘丈員備用車幕貨費前後共四百九十二元  
呈報具領一係跟隨該委員牧長一名牧丁二名等川資二十七元二角  
八分具報有案一係本總管會同鑿務總局委員分別劃界跟從隨員護  
兵車馬各項費用先後具領四百四十四元九角一係去歲本羣提出變  
價馬九百匹由各牧長自行變價該牧長等所欠變款洋一千三百零四  
元屆時無力湊交總管因在鑿務總局具領二千元交清此項欠款下餘  
六百九十六元查前於光緒三十一年間因公在馬王廟借月利二分銀  
一千餘兩該廟屢次討索卽將下餘之款先行歸還以上前後所領各款  
均有案可稽每元合銀按六錢六分七計算共銀三千一百四十四兩一  
錢零八釐所有前領各款理合據實呈報再懇都統鑒核指令鑿務總局  
將本羣恤蒙銀速予撥發等情據此查該報羣鑿荒地放出若干欠發恤  
蒙銀兩若干暨應否籌撥除指令外合令該局仰卽查照辦理可也等因

正擬辦間又奉鈞署訓令案據商都左翼驃馬羣翼長色爾什旺堆呈稱  
前奉總管轉奉都統令開據張北縣屬民人王福英等呈稱請開墾大馬  
羣烏納吉諾爾一帶地畝每畝報効該羣公費銀一錢二分等情當奉鈞  
署特派專員勘丈開墾並自圖固哩克起經過察罕諾爾花胡修直至連  
界之察哈爾正黃旗右翼蘇呢特放馬牧羣一帶長一百餘里寬數十里  
派員丈畢每畝水草銀四分給予該羣等因當蒙都統令行有案查案便  
悉伏思由本商都牧羣開墾丈過地若干畝每畝所得水草銀若干兩只  
總管一人專權並不與所屬衆人商議無憑查考難免衆人猜疑於八月  
十日備文呈請轉報王監場員至十月十一日將呈文退回究竟本羣所  
得水草銀兩應行發給之欵及未發給之數本羣官員均不得知惟有據  
情呈請都統詳細查究再有農民與奸人欺謊從中圖利侵蝕肥已之事  
難免謬轄卑翼長管理一羣有地方之責任若推諉不管難逃衆咎且於

公理不合一併據實聲明呈請都統鈞鑒轉令摺務局將本羣應得水草銀兩詳細查明並請賞發滿蒙文告示十一張以便張貼本羣五翼六廟等處俾衆周知至再近年以來應領俸餉並未按季發給各牧長將牧羣放馬貧窮牧丁之餉各以己力預先借給以致公私交困伏乞體恤蒙艱懇將水草銀放給本羣以便倍加分給牧丁各羣長丁實爲恩便等情據此查前據商都牧羣總管呈請籌撥恤蒙銀兩一案當經指令並令行該總局查照辦理在案茲據前情除指令暨分行外合亟令仰該總局迅卽查核辦理可也各等因奉此查水草銀卽恤蒙銀兩前據該羣總管先後向本總局具領恤蒙銀四千七百餘元與該總管呈稱共銀三千一百四十四兩一錢零八釐之數尙屬相符惟查上年十一月所領二千元一欵據稱彌補各牧長變賣馬匹所欠變欵洋一千三百零四元歸還馬王廟舊債六百九十六元均係爲官長填還虧欠蒙民未霑滴潤殊與當日呈

奉 大總統批准厚恤蒙艱之本旨大相背謬報部恐干駁詰應請訓

令該總管如數交出分給羣衆以濟蒙艱再查該羣報墾荒地現共放出約九百頃之譜其中尙有分期繳價僅領承墾證書只繳地價十分之四者核計應發恤蒙銀兩除該總管先後已領外所存應發之款實屬無多現爲體恤蒙艱起見擬再由局墊發一千元俾給蒙衆而維生計應請都統令行該總管交出上年十一月所領恤銀二千元連同此次墊發一千元共計三千元分給該羣蒙民俾資生活並由商都招墾設治局長臨場發給以杜中飽而免偏枯是否有當理合具文呈請都統鑒核施行謹呈

墾務總局指令多倫縣知事長據呈會擬德公牧廠養贍香火地各辦

法仰卽遵照文

五年十一月二十八日

呈悉查該公府所請撥給牧丁差地養贍暨香火地一百頃免收地價等情既稱有關牧丁生計應准免交地價以示優異至稱該府二等泉廠地

誤被兩翼牧場圈入一節果係該府廠地當然劃歸以清糾葛仰卽遵照可也此令

多倫縣知事局長呈爲謹擬怡親王府牧廠荒地暨牧丁差地養贍  
地優待各節請令遵文

五年十二月二日

竊知事局長於本年十月二十八日據怡親王後裔宗室溥斌之妻楊氏  
稟稱爲聲明事查敵府廠地係清雍正年間上賞宗人府直隸總督多倫  
理事同知均有存案敵府因庚子日兵佔住府第所有各案卷全行失落  
無存廠地圖冊無從考覈至歷年賞給牧丁養贍開墾之地數目清冊亦  
行失落今承貴縣局咨文查詢謹將實在情形陳明案下卽請照章辦理  
實爲公便除派府員發給執照赴貴縣局伺候查辦並令下牧丁等一體  
遵照外理合具稟諸請查照施行等情前來旋據該王府差員六品官關  
成緒七品官長和呈稱爲聲明事差員等奉府諭派赴多倫縣靜候貴縣

局長查核敝府馬廠地畝有無應放之地伺候辦理緣敝府自清雍正年間由大內分撥到府馬廠一處坐落在張家口外多倫廳所屬兵壩營等處地方計分作南北兩廠作牧放牛馬後因牧丁生齒日多異常困苦該牧丁等屢次來府稟求由廠地求賞地畝開墾以作生活敝府念其牧放牛馬該有棲止之地是以允准北廠開墾地三十頃南廠開墾地七十餘頃兩廠合計共開墾地約在一百頃之譜先時以二百四十弓計算今按三百六十弓折扣約在六十頃上下敝府兩廠牧丁共計二十七戶男女生齒共有一百餘口現在該牧丁等所開堪種之地六十餘頃除牧丁等養贍地四十五頃差地二十頃外多係水佔沙壓馬蓮荒草之地實難播種其中稍有可開墾之地約在十餘頃惟希貴局派員清查照章丈放至敝府差地養贍地均係牧丁等生活攸關惟懇貴局免收牧丁地價遞交丈費照冊費以示體恤待後升科而納國課等因據此查關成緒等所稱

該府南北兩廠牧丁開墾之地約六十頃上下其餘可放荒地僅十餘頃該廠地畝是否有此數礙難懸測局長遂於本月八日親赴該府南北兩廠實地調查以明眞相查南廠一段東至豫親王府牧廠西與廟地毗連南至德公府牧廠北至一棵木寬長各十里八里不等約計已開之地四十頃左右又查北廠一段東至沙胡同西至廟地南與豫親王府牧廠毗連北至一家河南北長約十餘里東西寬約四五里估計已開之地二十餘頃其餘可放荒地計在一二十頃之譜該差員等原稟所稱地畝數目暨牧丁等生計艱窘尙屬實在情形惟該員等呈請給與牧丁差地二十頃暨養贍地四十五頃僅納丈費照冊費概請免收地價一節是否可行知事局長未敢擅專如蒙總辦逾格允准職局卽派委勘丈員實地施丈除撥給該廠牧丁差地二十頃暨養贍地四十五頃外其餘可放荒地遵照鑿務章程一律招墾開放並劈給該府四成地價以符優待王公條

例所有謹擬怡親王府牧廠荒地暨牧丁差地養贍地辦法各緣由理合  
具文呈請總辦鑒核指令祇遵謹呈

鑾務總局令察罕托羅蓋軍台參領據呈請給下餘恤蒙銀元仰卽  
備具漢文印領以憑核發文五年十二月八日

據該參領呈據五台章京綽克羅普等呈請轉懇發給下餘恤蒙銀元等  
情查該台共放荒地三十五頃五十畝照章應予恤銀四百三十七元二  
角五分前據該參領請領前來當經先行發給二百元在案茲據續請發  
給其餘二百三十七元二角五分應卽照准補給仰該參領卽具請領恤  
蒙銀二百三十七元二角五分漢文印領一紙前來以憑照數給領可也  
此令

鑾務總局呈都統擬定撥給履親王府糧租一分一釐以示優異請

鑾核令遵文

五年十二月八日

案查前據多倫縣局呈稱該屬南北五牌花戶懇請換發部照減收丈費並履親王府地畝自行徵糧租銀各情祈請鑒核令遵一案當經指令並據情轉呈在案茲奉鈞署指令開據呈多屬南北五牌花戶溫連喜瘠苦情形擬按照下則地畝隨徵丈費一成以示體恤藉符定章等情事屬可行自應照准至履親王府地畝自行收租諸多窒碍應按照各王公牧廠辦法以歸劃一而昭平允至應否於一分四釐內再行酌提若干撥給以示優異之處仰卽由局核令遵照此令等因奉此查多屬南北五牌花戶溫連喜等據呈瘠苦情形擬請按照下則地畝隨徵丈費一成以示體恤藉符定章等情既奉鈞令照准亟應令仰該縣局遵照妥速辦理至履親王府地畝照章應按各王公牧廠辦法一律由公家按畝徵收糧租銀一分八釐內撥給該王府私租四釐以歸一致惟查該履親王府自收糧租一分四釐積年既久已成習慣若逕將該王府自收一分四釐純由公家

起徵該王府一旦失此鉅利揆之人情必所難堪本總局開放蒙荒對於  
蒙人固有權利總期設法維護擬請於公家按畝徵收糧租銀一分八釐  
內撥給該王府私租四釐並再由公家徵收一分四釐內酌暫提取七釐  
共撥給該王府糧租一分一釐以示優異惟此係一時權宜辦法嗣後各  
王公牧廠地畝仍照定章辦理不得援以爲例除轉令外所有擬定撥給  
履親王府糧租一分一釐以示優異各緣由是否有當理合呈請都統鑒  
核施行謹呈

摺務總局呈都統據察罕托羅蓋軍台參領呈請給五台下餘恤蒙  
銀兩已照數發給乞鑒核備案文

五年十二月八日

竊本總局經放各台荒地所有應給恤蒙銀兩節經各該台章京等呈請  
察罕托羅蓋軍台參領轉請核發並次第呈報鈞署在案茲據管理察罕  
托羅蓋軍台參領呈請給五台已放地畝除已領恤銀二百元外照章尙

應得恤蒙銀二百三十七元二角五分請卽如數發下等情前來除照數發給並取具該參領漢文印領存案備查外理合具文呈請鑒核備案謹呈

摺務總局呈都統據多倫縣知事局長會擬怡親王府牧廠荒地丁差養贍地文

五年十二月十二日

案據多倫縣知事王鳳英摺務局長黃履元會銜呈稱竊知事局長於本年十月二十八日據怡親王後裔宗室溥斌之妻楊氏稟稱查敵府廠地係清雍正年間上賞宗人府直隸總督多倫理事同知均有存案敵府因庚子日兵佔住府第所有各案卷全行失落無存廠地圖冊無從考覈至歷年賞給牧丁養贍開墾之地數目清冊亦行失落今承貴縣局咨文查詢謹將實在情形陳明案下卽請照章辦理實爲公便除派府員發給執照赴貴縣局伺候查辦並令下牧丁等一體遵照外理合稟請查照施行

等情前來旋據該王府差員六品官關成緒七品官長和呈稱差員等奉  
府諭派赴多倫縣靜候貴縣局長查核敝府馬廠地畝有無應放之地伺  
候辦理緣敝府自清雍正年間由大內分撥到府馬廠一處坐落在張家  
口外多倫廳所屬兵壩營等處地方計分作南北兩廠作牧放牛馬後因  
牧丁生齒日多異常困苦該牧丁等屢次來府稟求由廠地求賞地畝開  
墾以作生活敝府念其牧放牛馬應有棲止之地是以允准北廠開墾地  
三十頃南廠開墾地七十餘頃兩廠合計共開墾地約在一百頃之譜先  
時以二百四十弓計算今按三百六十弓折實約在六十頃上下敝府兩  
廠牧丁共計二十七戶男女生齒共有一百餘口現在該牧丁等所開堪  
種之地六十餘頃除牧丁等養贍地四十五頃差地二十頃外多係水佔  
沙壓馬蓮荒草之地實難播種其中稍有可開墾之地約在十餘頃惟希  
貴局派員清查照章丈放至敝府差地養贍地均係牧丁等生活攸關惟

懇貴局免收牧丁地價還交丈費照冊費以示體恤待後升科完納國課等因據此查關成緒等所稱該府南北兩廠牧丁開墾之地約六十頃上下其餘可放荒地僅十餘頃該廠地畝是否有此數碍難懸測局長遂於本月八日親赴該府南北兩廠實地調查以明真相查南廠一段東至豫親王府牧廠西與廟地毗連南至德公府牧廠北至一棵木寬長各十里八里不等約計已開之地四十頃左右又查北廠一段東至沙胡同西至廟地南與豫親王府牧廠毗連北至一家河南北長約十餘里東西寬約四五里估計已開之地二十餘頃其餘可放荒地計在一二十頃之譜該差員等原稟所稱地畝數目暨牧丁等生計艱窘尙屬實在情形惟該員等呈請給與牧丁差地二十頃暨養贍地四十五頃僅納丈費照冊費概請免收地價一節是否可行知事局長未敢擅專如蒙總辦逾格允准職局卽派委勘丈員實地施丈除撥給該廠牧丁差地二十頃暨養贍地

四十五頃外其餘可放荒地遵照墾務章程一律招墾開放並劈給該府四成地價以符優待王公條例所有謹擬怡親王府牧廠荒地暨牧丁差地養贍地辦法各緣由理令具文呈請鑒核指令祇遵等情據此查該知事局長呈據該怡親王府稟請給予牧丁差地二十頃暨養贍地四十五頃免收地價遵交丈費照冊費以示體恤而資生活復經該局長查明屬實等情查前據該知事局長會擬德公牧廠牧丁差地養贍地各辦法一案當經據情呈奉都統指令准予免收地價以示優異在案據呈牧丁生計艱窘自可援案辦理仍候轉呈都統核准後再行轉令遵照除指令外理合呈請都統鑒核施行謹呈

墾務總局令陶林墾務局遵照都署指令辦理鑲藍旗兵丁隨缺地

畝文 五年十二月十二日

案查前據該局呈復鑲藍旗兵丁隨缺地畝一案當經本總局指令并轉

呈在案茲奉都署第七九六號指令開呈悉查該總局指令陶林翠務局着將承領勿藍哈彥地畝及們扣承領地畝勻分攤領勿令偏枯等語查隨缺地畝原爲體恤蒙古官兵生計起見係隨缺轉移每人若干頃畝自有定例仍應按照各人應有隨缺畝數眼同指給以符定章而免爭執仰卽轉令遵照辦理仍將辦理情形呈覆備核此令等因奉此令卽轉令仰該局遵照辦理並將辦理情形從速具報以憑核轉此令

都統令據左右翼總管呈請轉令總局仍照新章發給恤銀等情仰

局查照辦理文

五年十二月十四日

案據牧羣左翼總管薩穆端隆魯普右翼總管幹珠爾札普等呈稱案准兩翼牧場清丈行局咨開案奉總局訓令內開案查本總局爲兩翼牧場放墾地畝既准援案發給私租暨恤蒙銀兩未便再照新章加給恤欵呈請都統鑒核一案奉都統指令呈悉准如所擬辦理仰卽轉令遵照可也

此令等因奉此合板抄錄原呈仰該局遵照辦理並由該局轉咨兩翼牧羣總管知照此令等因奉此相應抄粘原呈備文咨請貴翼查照施行附粘原呈等因當經總管等遵將文內事理傳諭各旗羣通悉旋據各該羣蒙戶公具稟稱既奉傳諭自應遵照辦理但查各旗羣台站放墾均照新章發給恤銀何獨兩翼恤蒙銀仍照舊章發給且兩翼自遭二年蹂躪之後牲產損失餉津減裁困苦已達極點無計求生仍懇據情轉請都統按新章給恤藉資贍濟實深感激無任懇切待命之至等情據此伏查分界之時其各旗官長尙知公誼惟各蒙丁等質愚見狹皆以爲此次分界放墾餘荒蒙人由此絕生前途有礙因而每至各旗劃界乃蒙戶男女紛紛懇求甚至伏跪不起毫不認可曾經局長總管等極力開解婉詞勸導諭以放墾荒地收納糧課是有裕於國而便於民然各旗蒙人亦得四釐私租恤蒙之利益於是蒙衆懽然始克允從劃分未至決裂茲奉令照舊章

給恤該蒙民等未免大失所望且查大馬羣上年放墾荒地亦係照新章  
給恤有案可稽而大馬羣牧場與兩翼牧場暨各旗羣台站事同一體似  
無區別矧大馬羣放墾在先猶按新章給恤而兩翼放墾在後復照舊章  
給恤亦未免向隅伏維都統一視同仁體恤蒙艱曲順輿情仍照新章發  
給恤銀則全翼蒙人無不感荷鴻慈矣如蒙恩准仰懇轉令總局辦理不  
勝待命之至所有懇照新章賞發恤蒙銀緣由理合具文呈請俯允伏候  
指令施行實爲恩便等情據此除指令外合亟令仰該總局查照辦理可  
也此令

墾務總局呈都統據兩翼總管一再函請該牧場放墾地畝仍照新  
章加給恤欵請鑒核令遵文

五年十二月十六日

竊查兩翼牧場放墾地畝請援案發給私租暨恤蒙銀兩一案業由本總  
局呈奉鈞署核准惟因本總局呈准放墾新章開放旗羣臺站每地一畝

除照舊提給四分恤蒙銀兩外加恤各旗羣下地每畝四分中地五分上地六分原爲體恤蒙艱並獎勵各旗羣台站起見兩翼牧場係屬國家軍牧官產與其他旗羣台站地畝爲本區蒙旗公產者稍有不同既援案每畝地一畝發給恤銀四分俟升科年限照章隨徵四釐私租未便再照新章按上中下地畝等則加給恤欵仍擬援照舊章每畝給予恤銀四分當由本總局呈奉鈞署指令准如所擬辦理並由局令行兩翼牧場清丈行局轉行兩翼牧場總管知照在案現據兩翼總管迭次面陳蒙民困苦情形籲請兩翼牧場放墾地畝仍照新章加給恤欵俾兩翼蒙民咸沾惠潤並據一再函催前來可否准如所請按照新章辦理之處本總局未敢擅專理合據情具文呈請都統鑒核指令祇遵謹呈

墾務總局批毓璋代表德麟據呈爲請發給紅山餘荒四成劈欵文

五年十二月十九日

據呈已悉候卽令行張北墾務局遵章查明核發仰卽逕赴該局接洽聽候核發可也此批

張北墾務局呈報遵章發給和親王府四成勞欵文

十五年十二月二十一日

案查和親王府紅山子馬廠東南二牌業經職局清丈所收荒價經前任發給四成勞價洋六百元在案嗣據該王府稟請續領蒙總辦面諭照章酌量核發等因奉此茲據和親王府出具印領派佐領景志請領銀元一千元前來局長卽於十二月十五日遵章暫發給洋一千元除將印領附卷備查並俟收有成數另行呈請示遵續發外所有此次發給和親王府四成勞價洋一千元理合呈報總辦鑒核備案實爲公便謹呈

墾務總局令涼城墾務局准將瑪呢圖廟地畝仍歸該廟管業以二百頃爲限仰卽查照辦理文

五年十二月二十三日

案查前奉統都令據巴彥濟爾嘎勒函請將藍旗地面瑪呢圖廟香火地

二百餘頃仍歸該廟管業以濟衆僧等情發交到局當經本總局令行該局查明情形呈擬核辦在案茲查該僧所稱該廟香火地畝爲香燈日用之資供奉諸佛卽以普濟衆僧允宜結香火之緣廣佈施之意所請將此項地畝仍歸該廟管業以濟僧徒而全廟產之處似屬可行但應以二百頃爲限不得漫無限制過示慈悲合亟令仰該局查照辦理可也此令

都統勸導錫林果勒盟學習種植每旗劃地百頃作爲公產爲籌辦

生計暨興學之用文

六年一月十日

世界進化之公例由游牧時代進於耕種時代由耕種時代進於工商時代此自然之步驟也查錫盟各旗均以游牧爲生活自係狃於習慣未可遽改惟查世界大勢各種民族生活之道既已逐漸改良進步若錫盟仍困於游牧一途似非自存自立之正軌現擬由各旗劃地百頃責成各旗長選擇各精壯蒙民輪流學習耕種俾各蒙民咸知耕種利益逐漸改良

此地墾成之日永遠作爲該旗公產墾地收入留充本旗籌辦生計及興學之用國家絕不征收絲毫地價且頒發地照收執管業各旗長深明大義當知世界人羣進化公例而本此意以教導該旗蒙民也

墾務總局令兩翼

牧場清丈行局管

奉令兩翼與他項牧場有別所請

加給恤欵殊難照准仰卽轉咨知照文

六年一月十八日

案查本總局前據兩翼總管迭次面陳蒙民困苦情形籲請兩翼牧場放墾地畝仍照新章加給恤欵俾兩翼蒙民咸霑惠潤等情一案當經據情呈請都統核示在案茲奉指令據呈轉據該兩翼總管面陳蒙民困苦等情已悉該兩翼與他項牧場有別所請加給恤欵殊難照准仰仍遵照前令辦理可也此令等因奉此除分令外合亟抄發原呈令行該

總局管長

知照

沽源墾務局呈爲繼續發給王公各旗優待劈欵遵章列表請示遵

文(表附)六年二月二十四日

竊沽源縣屬王公各旗地價現已收有成數其應得優歛自應按現在實收王公各旗地價之成數及局中現歛數目之多少酌量發給以符定章茲擬按六年一月底以前實收王公各旗地價正歛數內劈出四成應得若干又以六年一月底以前已發之數連現在酌發之數通盤計算均以滿六年一月底以前已收正歛數內劈出四成數三分之一爲標準其餘欠發之數俟地價陸續收有成數再爲列表呈請補發如此辦理似較平允其正白旗此次應得優恤歛因該旗前浮欠職局洋一千八百元尙未交到擬暫緩發所有此次發給王公各旗優歛辦法並緩發正白旗優恤歛緣由是否有當理合列表備文呈請鈞局鑒核令遵謹呈

附表

文放王公各旗生餘夾荒馬廠牧廠表冊併業主應領優恤各數表 民國六年二月 沽源縣務局長會紀鑒造報



堃阿

古

廟

八千一百五十五

三千二百六

七千一百一

一千零四十二

三百二十一

元零八角五

二元一角

六百元

一角六分七厘

現在酌發洋如上數

該旗浮存本局銀一千二百兩已奉令呈

在高前局長任內借領洋二百二十二元

數迄今仍未交到此次該旗應領優加款

擬扣留不發

正車道溝	白頭枝箭	府扇子	公阿	堃
沙子溝	子榮	子	古廟	阿
下則	頃二十五畝	頃七十五畝	二百七十六	一百八十一
五分	百五十三元十八元六角	七角五分	一萬二千四	八千一百五十五
百六十六元	五分	九角五分	二千一百五	三千二百六
二角五分	二萬三千九	九萬三千九	二十四頃八	七千一百一
元五角	七萬零零二	三萬四千七	十九畝四分	一千零四十二
六百元	二萬三千九	一百三十二元百五十元零	五百零三頃	三百二十一
一角六分七厘	四千四百	七角六分三	一百五十六畝三	二元一角
百零四元四	三千四	二角五分六	一千五百二	六百元
一角六分	百零八元	十八元四角	十三畝三十厘	一角六分七厘
百元	七厘	角六分三厘	七畝零四厘	現在酌發洋如上數

鑾務總局令兩翼總管據呈懇請先爲撥發恤蒙銀六千元以紓羣

因文 六年二月二十七日

據呈請先借發恤蒙銀六千元事屬可行准予照發卽由兩翼清丈行局動支但迭奉都統面諭放發恤銀須由該總管等先將兩翼蒙戶名冊據實造送酌定每名應得數目方准照給否則不准濫發仰將左右兩翼各

蒙戶名冊尅日編造送局以憑核發至每名應得若干候名冊送到之日再由本總局稟承都統勻配每名應得恤銀數目另文令知此令

張北墾務局呈報遵章撥給延秀四成勞欵洋一千元乞鑒核備案

文 六 年 二 月 二 十 七 日

案查延秀馬廠二台子一帶業經職局清丈呈奉批准照章以放墾之欵四成歸延秀承領各在案本年一月五日奉鈞局訓令開案據延秀稟稱竊秀有祖遺廂黃旗界內馬廠地段遵章報局照章以放墾之欵四成歸秀承領曾經批准在案上年前吳局長丈量二台子一帶五百餘頃秀應領荒價銀二萬元有奇今夏蒙前郭局長批示俟集欵有成數再行呈領今探詢各地戶交欵已達過半惟有仰懇貴局照章速將秀應得四成批示給領以救燃眉等情據此除批示據稟已悉候令行張北墾務局查明原案照章核發仰卽逕赴該局聽候給領可也此批掛發外合亟令仰該

局查照辦理仍將辦理情形具報查核此令等因奉此正擬核辦間旋據延秀備具印領呈請發給四成劈價洋一千元到局當卽於六年一月二十日遵章暫發給四成劈價洋一千元整除將印領附卷備查並俟收有成數另行呈請示遵核算續發外所有此次發給延秀劈價洋一千元理合呈報總辦鑒核備案實爲公便謹呈

摺務總局呈都統遵令彙報歷次發放各台恤蒙銀元數目造具清

冊請鑒核文

(清冊附)六年三月十四日

竊本總局呈報續發六台四台恤銀數目一案奉鈞署第二百號指令開如呈備案仰將各台歷次發放銀元數目造具清冊送署備核切切此令等因奉此查本總局發放各旗羣台站恤蒙銀兩節經先後呈報鈞署查核在案奉令前因遵將本總局自改組後丈放各台地畝歷次發放恤銀數目造具清冊備文呈送伏乞鑒核備案謹呈

附清冊

優待蒙旗第七

一發三台恤銀四百八十一元九角六分

五年五月四日

一發頭台恤銀一百六十一元八角八分

五年六月二十七日

一發五台恤銀二百元整

五年八月十五日

一發四台恤銀二百七十八元九角八分四釐

五年八月十五日

一發六台恤銀三百元整

五年八月三十日

一發五台恤銀二百三十七元二角五分

五年十二月十日

一發六台恤銀三百元整

六年一月六日

一發四台恤銀一百五十元整

六年一月六日

摺務總局令兩翼牧場清丈行局據兩翼總管懇發恤蒙銀兩已由

本局指令先將蒙戶名冊造送以憑核發文

六年三月九日

案據左翼牧羣總管薩穆端隆魯普右翼牧羣總管幹珠爾札普呈稱竊

照兩翼牧羣開放場地業蒙訓令賞發恤蒙銀在案旋奉總局公函恩准先爲懇發三千元等因伏查兩翼各旗羣共有千餘蒙戶若僅先發三千元殊屬不敷俵散擬請先爲借發六千元俾可分濟雨露均霑伏乞鈞鑒俯恤下情恩允賞發以紓羣困無任感戴待命之至仍候指令遵行等情據此除由本總局指令據呈請先爲借發恤銀六千元事屬可行准予照發卽由兩翼清丈行局動支送奉都統面諭放發恤銀須由該總管等先將兩翼蒙戶名冊據實造送酌定每名應得數目方准照給否則不准濫發仰將左右兩翼各蒙戶名冊尅日編造送局以憑核發至每名應得若干候名冊送到之日再由本總局稟承都統均配每名應得恤銀數目另文飭知此令印發外合亟令仰該行局知照可也此令

摺務總局指令卓特巴札普據呈懇將邊載山領摺地畝應得恤銀

照章發給文

六年四月十二日

呈悉查正黃牛羣邊載山報領地畝自民國三年九月起至四年五月止  
經前墾務總局放出下地五十九頃六十五畝所收地價未據前局長如  
數移交應給恤銀本總局亦無憑照發迨自本總局改組後至民國五年  
六月止經由本總局放出下則地五十九頃二十八畝事在新章未奉批  
准以前本應按照舊章四分給恤姑念該羣各蒙戶生計困苦且經前墾  
務局所放地畝未曾給予恤銀特准按照新章下地每畝給以恤蒙銀八  
分以示體恤所有本總局經放下則地五十九頃二十八畝照新章加恤  
銀每畝八分共合恤銀四百七十四兩二錢四分以一五折合銀洋七百  
一十一元三角六分仰該總管卽行備具漢文印領一紙來局具領可也  
此令

墾務總局令據六台章京等呈爲轉懇發下餘恤蒙銀兩文

六年九月

據該參領呈據六台章京剛鄂奇爾等呈請轉懲發給下餘恤蒙銀兩等  
情查該台共放下則荒地九十三頃前據該參領兩次具文請領該台恤  
銀當經先後發給銀幣六百元在案茲又據續請發給下餘五百餘元前  
來查該台所放荒地九十三頃係在民國四年六七八等月加恤新章雖  
經入呈尙未奉明令批准本應按照舊章給恤姑念該台蒙衆年來瘠苦  
特准按照新章發給以示厚恤查下則地九十三頃按照加恤新章每畝  
八分核算共應給予恤銀一千一百一十六元除前兩次領去六百元外  
下餘銀幣五百一十六元仰該參領卽便繕具漢文印領前來以憑照數  
給領但此項恤銀應照章分給該台蒙戶台丁仍將戶口清冊及每名應  
得數目並領過實數核實具報儻經查有中飽情事定行提付懲戒仰卽  
遵照此令

摺務總局指令毓璋呈請發給紅山馬廠餘荒四成劈欵文

月六十九年四

呈悉已據情令行張北墾務局迅卽查明原案照章核發仰卽逕赴該局聽候查案核給可也此令

墾務總局令牛羊羣總管據呈請核發正黃羊羣已放地畝恤蒙銀兩文  
六 年 四 月 二 十 日

令管理三旗達哩崗崖牛羊羣總管據該總管呈據正黃羊羣協領丹巴多爾濟呈請轉懇發給該羣與六台連界已放地畝四分恤銀並請按照額外加恤新章照數核發前來查額外加恤新章係於民國四年八月二十二日奉令批准其未奉明令以前所放之地自應仍照舊章給恤查該羣自民國四年六月至八月二十一日以前經本總局放出下地四十三頃一十五畝遵照舊章四分給恤應給銀幣二百五十八元九角十月放出中地三頃九十畝按照加恤新章中地每畝九分給恤應給銀幣五十

二元六角五分又下地十四頃九十畝按照加恤新章下地每畝八分給恤應給銀幣一百七十八元八角三共實在放地六十一頃九十五畝共合恤洋四百九十元零三角五分仰該總管即使按數繕具漢文印領一紙來局具領可也此令

墾務總局指令鑲紅旗總管據呈爲懇恩拯救文

六年四月三十日

呈冊均悉仰候令行涼城縣知事暨墾務局長會同秉公查明核議具覆再行核辦冊存此令

墾務總局呈都統續發六台下餘恤蒙銀五百一十六元請鑒核備

案文 六年五月一日

竊本總局發放各台恤蒙銀洋歷經先後報明並彙總列表呈報鈞署查核在案茲據管理察罕托羅蓋軍台參領呈據六台章京剛鄂奇爾等呈請轉懇發給該台已放地畝應得恤銀除已領過外下餘恤銀五百一十

六元請卽如數照發等情前來查與新章恤例相符自應照准如數發給以維信用而恤蒙艱除取具該參領漢文印領存案備查外所有續發六台下餘恤蒙銀五百一十六元緣由理合具文呈請都統鑒核備案施行謹呈

墾務總局指令察罕托羅蓋軍台參領據呈請將六台經興局丈放地畝發給部照之恤蒙銀兩請查明核發文

六年五月八日

呈悉查發給恤蒙銀定章地由何局開放恤歟卽應歸何局給發據稱六台游牧地內於民國五年經由興和縣墾務局丈給民人郭正禮等開墾發給部照之地計有一百餘頃如果屬實則該台應得恤銀應由興和墾務局照章核發該局何得竟以未經辦過爲辭據呈各情候卽令興和墾務局查明原案照章辦理仰該參領卽備正式印文逕赴該局直接請領可也此令

巴札爾拉克察呈爲繕具印領收條請發給敵羣恤蒙銀元四千元

文 六年六月九日

案奉鈞座面諭發領敵羣恤蒙款銀俾濟艱困叨荷恩施曷勝感戴茲擬請領銀洋四千元理合繕具印領及收條各一紙備文呈送伏乞鑒核發放實爲德便謹呈

摺務總局指令張北摺務局據呈遵令照章續發和親王府劈款三

百元乞鑒核備案文

六年五月十八日

如呈備案此令

摺務總局呈都統爲核發兩翼恤蒙銀兩按口分配請鑒核備案文

六年五月二十二日

案奉都統面諭兩翼恤蒙銀兩應俟兩翼總管將兩翼蒙戶名冊據實造送分配每名應得數目方准發給否則不准濫發等因當經本總局分令

兩翼總管暨清丈行局局長遵照在案茲據該局長林茂亭將該總管等所造戶口清冊轉送到局本總局詳加查核右翼所造清冊人口數目少有錯誤由本總局派員核算左翼共六百零一戶計男女二千八百五十二口右翼共四百八十四戶計男女一千三百七十口合計左右兩翼共男女四千二百二十二口查前據該總管等呈請先行發給恤蒙銀六千元以六千元之數按四千二百二十二口均分每口應得一元四角有奇數既奇零恐滋弊端擬請每口按兩元計算四千二百二十二口共合銀幣八千四百四十四元如此按口分配庶幾各蒙民等實惠均沾仰符都統體恤蒙民之意除由本總局分令該總管局長等按八千四百四十四元之數由該總管等出具印領向該行局具領並招集兩翼蒙戶會同該局局長按每口兩元之數核實發給不准扣減並取具蒙民收欵切結仍將發欵情形會銜具報備查外合將原送戶口清冊呈送鈞署查核仍懸

發還本總局以便存案所有核發兩翼恤蒙銀兩按口分配緣由理合呈請都統鑒核備案謹呈

墾務總局呈都統爲商都牧羣請領水草銀兩查該羣應領欵項只有恤蒙銀兩並無水草銀兩名目請令示遵文

六 年 五 月 二十九

案奉鈞署第七百一十四號訓令據代理商都牧羣總管巴札爾拉克察呈稱暫假馬王廟創興學校所有學童津恤及購辦物品譯員薪水各項需欵公議由所儲水草銀兩項下領用等情令本總局遵照俟該總管遣人來口置買物品時由水草銀兩項下先爲撥借可也此令等因奉此查察區清丈章程丈放旗羣地畝只有照章應領恤蒙銀兩無水草銀兩名目至該羣應領恤蒙銀兩確係照章分給蒙衆之欵可否准其借作他用理合呈請都統鑒核令示祇遵謹呈

墾務總局指令兩翼牧場清丈行局呈爲轉送兩翼牧場戶口清冊

請酌核發給恤銀文

六年五月二十九日

呈冊均悉仰候稟承都統另案令遵清冊存此令

墾務總局指令商都牧羣總管巴扎爾拉克察據呈請發給本羣恤  
蒙銀洋四千元俾濟艱困文

六年六月十三日

呈悉據呈請發給該羣恤蒙銀洋四千元俾濟艱困等情應卽照准茲隨  
令發給恤蒙銀洋四千元仰該總管卽便查收勻均支配分給衆蒙戶具  
領務期實惠均沾涓滴無漏是爲至要仍將發放情形並補造蒙戶花名  
清冊呈送本總局查核除令委商都招墾設治局局長就近監放俾昭覈  
實外著卽遵照此令印領存

墾務總局令兩翼牧場清丈行局管核發兩翼恤蒙銀兩按口分配辦

法奉都統指令照准轉令遵照文

六年六月二十一日

案查本總局核發兩翼恤蒙銀兩按口分配辦法業經呈請都統核示並

令該局暨該總管等知照在案茲奉都統第一千六百二十二號指令呈  
暨清冊均悉應准備案此令清冊發還等因奉此除分令外合亟令知該  
局長總管知照遵照本總局第三千三百三十八號訓令會同該總管局  
長按每口兩元之數核實發給取具蒙民切結會銜具報可也此令

鑿務總局呈都統據前任商都牧羣總管普爾布扎普條陳各節請

鑿核令遵文

(抄件附) 六年六月二十八日

案據前任商都牧羣總管普爾布扎普呈稱爲該羣蒙民實受壅滯情形  
請卽變更另行設立而衛治安以圖進行事竊今商都地方業已設立商  
都招墾設治局不時招民開墾在案及前設立場長處整牧政之機關該  
羣蒙民以受牧政上壅滯之差敷衍過期以致拖累困苦廢時失業因敵  
員歷代受有牧羣之德有鑒於此不能坐視及共和肇建有人民代陳之  
權爲此念本羣之德微勞忱意惟與本羣稍有裨益之處卽行改變該旗

羣各部分名目實圖行政改良進行是否有當不揣冒昧逐一分晰外附條件一紙雖熱心發於下忱是否盡出自鴻裁特此緣由理合呈請總辦鑒核卓裁速予批示施行附條件一紙等情到局查條陳內稱該羣馬匹不多務將馬匹歸併另場牧放餘地命地方蒙民墾種又各旗羣官長名目另行改變總管名目改爲會長會同該縣知事參辦行政等語是否可行事關變更羣制非本總局所敢擅專理合抄錄原件轉呈都統鑒核令遵謹呈

附抄條件一紙

一商都招墾設治局及商都場長處並設二機關互相反對於行政多有妨礙兩面決無整頓之理惟將場長處卽行取銷該羣馬匹不多又加以牧場僻狹務將羣內馬匹歸併另場牧放餘地命地方蒙民墾種則民得生活之計而國家財政亦因之充裕此雙方受有裨益

決無貽悞之虞

二開墾種地振興地利並非奸險辦理試觀古者天子親耕后親桑躬爲至尊不憚勤勞而爲天下倡凡爲兆姓圖其本也及地無餘利民無餘力之語自古聖賢所傳良不誤也

三各旗羣中頒布施行新政法時該所屬地面官長不能竭力勸喻則上司如何嚴飭諸民等不易遵辦其何以故原係設立各旗羣官長爲管轄羣馬官兵之責起見今從新整頓之際皆按舊章拘泥今若將各旗羣官長名目另行改變給予改良辦理責任則振興蒙民風俗開通文化最能易辦

四各旗羣蒙民與扎薩克旗不同世受國家俸餉供差若不趕緊變更則廢時失業以致家產破損恐有遷移之虞且未能受有國家正式之差竟敷衍從事務將此虛名取銷再將俸餉減去嗣後劃與蒙民

歷代所居荒地酌量撥給生計產免收押荒爲永遠生活之計蒙民共荷國家庇庥之恩以期永享昇平之治則極爲相宜

五地方民政雖歸該縣管轄節制將旗羣之各部分編爲一會會名卽按現行改良名目創辦商都牧羣之名目就爲商都蒙民改良墾牧進行會之稱將總管名目改爲會長及諸官長亦按此改變爲勸道蒙民之一助及該縣與蒙民有關係行政之事給予蒙民會長會同該縣知事有參辦行政之權以圖同濟和衷共衛治安俾免蒙漢致生隙嫌祈予卓核以便遵行

六該會設立公所會長各員等公費薪津以及地方巡警衣履等費就在前後所辦放該羣新墾地之四釐私租項下籌給定辦則公私兩面均受裨益雖有鑒於此仍祈卓核是爲至禱

墾務總局批前任商都牧羣總管普爾布扎普據呈爲該羣蒙民實

受壅滯情形擬請變更舊制文

六年六月二十八日

呈暨條陳均悉所陳將羣內馬匹歸併另場牧放餘地命地方蒙民墾種及改變各旗羣官長名目會同該縣知事參辦行政以圖進行等語所呈甚有見地惟事關變更羣制仰候轉呈都統採擇再行令遵此令

墾務總局令牛羊羣總管明安牧場協領正黃牛羣協領等委任策

楞棟魯普會商該管總管協領確切查明指定適宜移羣地點開

具戶口清冊以印文會銜據實具報以憑核轉文

六年六月三十

案查前奉都署發交牛羊羣總管呈據正黃牛羣協領呈請放墾正黃牛羣土城子一帶荒地應如何另行撥給牧地以便居住等因到局本總局以牛羣土城子一帶荒地逼近民田畝應另選牧畜地點以便移羣而資開墾至該羣游牧人民究竟實有若干戶壯丁若干名並應查明確數造具名冊如願隨羣游牧擬卽按戶發給遷移費洋三十元以示體恤如安

居樂土不願隨羣游牧擬准查明戶口每一年達十八歲以上之男丁免  
價給予荒地五十畝俾令自墾用謀永久生理所有隨羣而去之人不得  
逗遛不行冒領川資而承領荒地之戶亦不得轉賣自取流離庶幾公家  
可收鉅欵蒙民亦沾實惠當將前項移羣辦法呈請都統鑒核令遵在案  
茲奉都署第一六二六號指令開據呈開放正黃牛羣土城子荒地一節  
該羣蒙人既屬贊同應予照准所擬移羣及撥給男丁荒地各辦法亦尙  
周妥仰卽商同該總管等選擇地點妥慎辦理并將辦理情形呈報備查  
此令等因奉此並經本總局抄錄原呈函知牛羊羣總管指定移羣地點  
并開具土城子戶口清冊某某戶願隨羣而去某某戶願受田自墾函復  
本總局以便轉呈在案惟該正黃牛羣游牧人民共有若干其願隨羣而  
去或願受田自墾之戶各有若干且移羣地點究以何處爲最適宜合亟  
令委候補總管策楞棟魯普卽行前赴口外會商該總管協領等確切查

明指定適宜地點開具戶口清冊取具印文切結呈報候核一面仍由該管總管以印文具報本總局以憑核轉須知此次移羣辦法係爲該羣蒙民兼籌生計起見該員到羣之後並應會同該管協領召集蒙衆善爲勸導勿令悞會至該員車馬川資准每日支洋三元由本總局會計處發給不得受該羣官兵人等例外供給及餽遺情事致干未便除分令外合亟令仰該員卽行前赴口外會同該總管協領等切實查明妥慎辦理並將出口日期具報此令